



宋李彭日涉園集詩目

嘉慶元年丙辰夏五月己未
兩午後錄起

卷一五古次正平上座韻贈子充 戲贈兼簡李翹史

贈子充 贈子充 贈子充 贈子充 贈子充 贈子充 贈子充 贈子充 贈子充 贈子充

贈正平上座 和連雨獨飲 從中用前韻作人日坊見寄

復和以贈之 嗣首座以老夫坊西顧斜障日為韻作五章

見寄次韻答之 送洞上人歸宛陵 蒲塘道中寄懷

歸宗向中法蘭法仁三僧 送果上人復往荆南 奉送

歸宗才首座 送寧上人歸淨慈 寄珍首座 題胡

九齡畫夏景年詩 送教坊遊臨川 和季敬戲書

再和嗣首座五詩寄舒老微老 何生用韻見寄復答之

並示山何三首 次韻答禹功並簡周國振時禹功于泛舟

歸即不及話離五首 王生以詩見貽次韻答之生視卷中環

中寶仲父 杜欽之次淵於答龐參軍韻見送用韻答之
步 元夕高卧 宿西井寺有先好進及先學士詩
次韻謝旣規朝函 奉同伯固駒父師川聖功券直及
阿侯尋妻因賦向柳尋花到野亭上以野字 里儒
程君窮居教弟子員喜而作詩見貽次韻謝之 遊同安
寺 和苦雨韻 遊簡寂觀 奉酬葛子植 奉酬胡
陰韋深道 奉酬石元澄 奉酬程子尚 慶之以
再聞誦詩作空過黃初詩是韻作子詩見寄次韻酬之
九日奉呈元亮兄 用前韻 農家三首 閩官軍已
破賊巢 題黃氏吳芝閣 呂信道以詩見遺作五字句
報之 有慶之人數以詩見贈慶始學詩於祖可爾來撰
脫故步進而不已未可量之作短句以報之 自武寧捨

舟度嶺投宿南山寺詩 遊真風觀 歸來學為韓子
蒼題 曉發章水道中有懷伯固駒甫師川券直幼
行水部體以寄恨 後故篋獲端石蟾蛤研形模極小
蓋予幼少時几輩間物對之蕭然如故人相遇感而賦
詩 宿閑先 寄侍其雲叟 宿雲車十住軒 雷雨
戲王侯 對雪 遣興 謝君運詩之中為天地物今成
鄙夫有取以爲韻遣興作十章並寄雲叟 次韻呂居
仁見寄 次九弟韻 次奉處度贈歸老示中上座
韻 次韻元亮行沙頭 再次元亮韻 次閑叟見
寄之韻 次瑛上人韻並示駒父 次韻謝吳國器見
贈 三益齋 廬山道中望天地諸寺 遊廬山懷
神樂亭敵並憶少子珉等次謝康崇寄惠連歌

次環中韻並示蔡安升 觀諸少移瑞香夜訪皆
屬意不淺次轉字以戲之 次韻并示劉也壯與
絕以過大雨 喜聞癸元亮有歸期 赴隣舍招
題蘭亭修禊圖 將遊雲石中途以佛鑑師川
日涉簡徑歸 東湖在歸賦詩二章呈駒甫師川
讀西京雜記次淵明讀山海經韻十三首 讀廬山
記懷文若弟 陪趙传道師獲飲拈規尋訪 遂
初學弟仲仲題 晨起 宿康王現 又重過康王現
醉起 豫章通守李侯苦癰瘍卧舟中約予相見
劉越石 余与刘壯與先大夫屯田父秘聖為契家壯與
又与子厚不數年皆下世今過其故居 宿慧日寺 喜元
亮歸 修源 宿翠巖 呼酒告竭不果飲後飲漿因

次淵明述酒韻 小軒前菊在玉雪可念今年忽已飛
黃作訪小姑 觀訪戴圖 別何弟之 醉資聖菴
過昭光祖首座 寄雲石微首座 客有以履銅香
爐見貺者感而賦詩 承天壁韻 雲石閣為簡并
賦 兩過清曉登隣官鐘閣 泛舟 懷遠兄元亮 過
淵明祠次還舊居韻 北齋校書圖 自襄通翼橋
尋幽 醉中戲贈淳上人 別家用環中韻呈王侯
游仙三首 夜飲 萬杉峰首座 卷二以六弟書有歸期
晚登鐘樓印事 夜听流弟紫緒琴 掃除尚書
公冢下 讀楊雄法言 擬古 題洪駒父徐師川詩後
醉書 以形模婦女笑度量兒童輕為韻賦十詩 七
月十九夜有大星貫于西北 廿月廿日晨起隔壁聞李

敲營詩戲作此嘲之 巢雲亭 芙蓉亭 題淨御

夜坐食蛤蜊 題數好軒詩 題范贊府覓先事亭

詩 錢仲仲之靜以軒詩取遠少之所謂靜也 在忘求也

阻風濤隘浦捨舟由山莊以歸 諸人絕江遊同安大風濤

作于適病眩不能渡 用陳規韻寄廣心敦詩並示陳

四月六日過師賢留飲歸用前韻寄師賢 離雲

岳道中偶成寄微先馳恭首座 寄微先馳 寄

徐聖功 以酒渴愛江清為韻寄卷中 用韻寄潘仲

達 寄甘字路威 次韻寄韓仲仲 次陶淵明贈羊

長史韻寄李翹史 還日少寄吳世良 再次所敵

韻寄舒士士並問微首座 次韻謝眺道中書者詩

寄厲彥為 次韻謝眺登三山還望京邑寄六牙 次

韻謝眺京路夜書寄六牙書因以贊其歸 寄郭循

正次謝宣城出郭井浦向板橋韻寄汪彥章

寄陳年或 寄劉壯園 予謝幼槃董瞿老諸

人往在臨川甚疑幼槃已在鬼錄後五年復與瞿老會

宿於星渚是夕大風雨因誦蘇州雜詠風雨夜復此對

牀眠之句歸賦十章以寄 喜遇洪仲本于山南以彈

噪林逾靜鳥鳴山更幽為韻作十詩寄之並呈駒父 蔡

州顏魯公初詩 听了空林彈琴 倦夜 兩夜遣心墳

左氏 送嗣初史往雲巖 次九才阻雪不許遊雲巖

雨中望雲巖 聞蘇大壽直同李子充遊雲巖作

此詩指之 次九才遊雲巖韻並簡鄭禹功博士 端

午 北隱睡起有懷吳世甫 病中有懷 有懷張掾

師言 有懷鄭禹功 夜坐懷師川戲効南朝沈炯
體 言晚望懷子元宗弟 懷子元宗次閑字韻元
亮書次王局嗣過李故后韻賞僅作州學於後園同
賦一章 董真人移舟并舟 魏籍師少和畫軸 徐
冲明校書叢筆奇古復作舟舟為予作漢江暮宿廟
材極妙力求鄙句作此以贈
卷三 七古 聽侍其雲史琴 聽程道士琴 漁之
以杖訪朱全歸其養漁師詩以長句 觀呂居仁詩
曉景琳山晚會于湖光亭 謝人見過 遭風濤神
井浦 雨子日離同安舟中寄阿了 夜宿寶嚴寺
寇李三師師並懷王環中 寄崇書記 寄甘露滅
寄何生 懷春處處復用山言韻 遊雲居歌 玉花

聽 胡少汲名直孺龍舒產士法修可喜往歲見之
金陵聞陰侍衛史因作此詩以見意 范家所藏如

知微畫彭祖如北斗圖 戲答核笋 送所借
書還王生 題簡立本醉客圖 包虎打 陸呂道

士居住不果 食鮫魚戲呈夏侯 重遊妙寺 黃
岡尉穢神種蓮其上開軒榜白超矣蓋取鮫老軍荷在賦

超四也之吳亭云 東庵舒老出徐兔圖障求詩章末蓋戲
行史 題伯時所畫印平種瓜圖 題盧鵬州孝圖

題乞虎枕屏 列尊道以古銅爵見歸 吳與老家
風雲圖 李伯時畫蓮社圖 題吳成伯家之不可無

晚宿梅寺 病同字生 晨起 韓愈戴宴客圖
次山若谷危信中韻 陸龜所畫山水圖 賦朱芾所

畫金吳圖

小憩琴堂亭呈環中養正

客有以戲

魚竹枕見餉作此謝之 日子蒼蒼放船南山石壁下

何生後用渠字韻喜于從東坡遊作三篇見寄次韻答

之後篇東劉壯輿 連日大雪 陸僧繇畫胡僧看經

題夏氏萬賞亭 戲答賦收 遊東園戲作長句

贈吳雲史 贈陸聖達 沙子和子文以長句送朋壺

次韻答之 用撥古韻答瑛上人 先成都訪故園以題定

妙麗碑 宴清心閣 阻風南宮家市 贈中上座 贈

宗振彦 親法華牛鬪戲呈戒上座 雪夜書懷

胡悅詩并序 贈洪首座 中秋遇雨夜將半素月流

天可愛感于賦詩 謝佛鑑大師寄韞玉鑪 謝

王成可惠具驢 次九弟中秋韻 歸舟 正月廿一日

寇順之飲僕以醪酒徑解闕橫笛音李仲先順之有

蒼頭能作龍吟三弄偶不果戲成此詩 舟中戲作雜

言 次暉書記韻 次韻陳辛已擬古 夢訪友生 唐昭

皇在游圖 題駒父家江干秋老圖

卷四 五律 喜以師負消息 謾興 宿同安寺 遊藏

山寺 久不以潘髯書 書龍壽寺者泉亭壁 墨珠

墨規之禪者歸湖外之詩一首 西塔 病起過鄰寺 夜

坐 方氏野老留飲看白兔是晚微雪 登吳相絕頂舊有

東坡題字今不復見 次九弟韻兼懷師川三首 次之虎

韻戲暉書記 次九弟韻後篇戲奉世十一弟三首 戲

贈 贈鄒中吳 東林寺暉有伯時所畫馬甚奇 聞

官軍已臨賊境 次韻九弟遊雲居 夜坐聞櫓

弟如社詩

自雲后歸欲刊瑤田作 絕章水 哭李少微三首
次韻東坡五更山吐月五首 有序 不宿南先店中口占
寄 王子洪教以詩見道 同雲更遊歐奉詩 書懷
遊石鏡溪 懷秦區度 留題壁間 追蘄州坡后
寄文若 用章蘇州神符院寄微公 將州九江生
寄王懷中 執芻濁醪味嚴勁飲致盡大醉後
作此詩 佚老堂名柳仲輝題 自宜幸還過長坑
澗苦絕勝處 款王軒詩 豫章董瞿老求詩
謾書 錢盱眙赴上因之詩 次瑛上人韻 題吳少馮
聽雨堂 喜以京師書信 追涼對酒 五排 上黃
太史魯直詩韻 七律 觀畫山水 遠行因飲
留止之飲 城上 宿萬松並示慶首座 鄒天錫見過

次駒父遊孺子亭韻 余久不飲酒殊適因和九牙

韻 遊雲居三首 七夕懷珍十用去年所賦東坡馬涼

韻 過河朔懷師川 春夜奉懷蘇仲豫次陳去已

韻贈仲豫 喜日懷秦賢 季敵檢校南村田 自

豫章歸書希題壁 泮宮曝書恭覽御書故事以折

飲酒禮諸老率諸生皆在楊先生病足獨不主賦詩見

寄次韻答之 寒食日 李成德求通翁挽詩 用韻

戲呈仲誠 再次韻呈之忱彥光彥遠並呈幼槃 宿

同安用舊韻呈雲史 復用遲字韻呈元亮 卜居

度章水道中戲用城字韻呈駒南師川 寄劉壯輿

將赴廣州儀曹 次韻寄山伯面老云弟 山伯惠瘡龍

寄何斯秀 寄法聖源 還家寄吳世長並同

潘子真 用元亮韵寄驹父 次韵寄居仁二弟 隆礼 致智

寄徐州谢功繁 赋高松王使神功妙濟真君祠诗

代盧中作 聽王散人琴 雨至 茸茅屋戲成

雜冠 同安印事 早發南先入城王中道親舊

約于復還後晚復自歸索入郡中 過廣濟 種仙茅

王子法以符見報次其韵 駒父次予舊韵見貽復次

韵 次師言韵 戲次人韵 舟中次珍書記韵 次韵

徐師川喜此駒父歸自臨川之作 用師川題駒父

詩卷後韵 印事 貽王允道隱士 送果上人坐兜

辛夏 潮州木龜有老舊在天慶觀北極殿之左近

首道派窈取而去今莫知所在矣 宿侍其雲中書希

以祝 過井子宅居 喜三何從山苦遊臨自塗字

韵 怡顏亭 周昭府國輿寄詩有招隱之意次韵

以報之 予以王褒傳約授嗣和史有書抵于并水

歌實移文且三事与傳約作仇俾以此詩戲之 戲何

人表 仲豫買侍兒作小詩戲之 溪上 扇上畫雪景戲

書 二月二日大雪 以了前書 廬山道中見梅花 苦

雨 以梅 睡起 次以明現韵 次元亮韵答師川篇

未見寄 客有和予顏字韵詩者答之 次韵答董

彥達 次韵答仲兄元亮 戲答施損道 夏牛所

用韵見貽次韵答之自及先君子与先平陽厚善 次韵

答宝孝仁書記 次韵答季智伯弟 贈蘇仲豫 贈

王環中 贈此仲義 奉贈介然 七夕用東坡韵

遊同安寺 遊昭德觀 寄山壁上人 贈九峯長老

送規老住度之三絕云 戲次后仁見寄韻 后仁見清自考 奉

贈瑛明長 郊外書事 和何斯為韻寄元亮並簡性

之 和許秀才見贈許病自良苦 和馮仲宣韻 次韻

奉酬幼槃 奉酬謝幼槃 次胸甫簡盧閣韻 東

皇 紫霄道中 都城元夜 望西山懷弱父

卷九 五絕 喚渡亭詩 戲書山水枕屏四段 大雪投宿

園通以野雪蓋轉廬為韻賦五詩 迎陽閣詩 予夏中

卧病起已見落葉因取憫於竹門庭多落葉慨然知已

秋賦十章遺興 六言 太平山寺三言詩 昌書記畫梅

夜坐並戲環上人六言 昌書記畫馴猿 七絕 庭

梅 寄詩贈擇言兩絕句 舍弟彬檢校南庄刈稻中秋

日作三絕句見寄酌醉後偶次其韻答之 答徐十贈詩

答謝邁秀才三絕句 答黃直夫二首 次韻答九弟首夏

郊園即事 再次韻 元亮次韻四絕相探和答 詩以

登耶舍城 喜意三絕 題溫泉 暉上人畫梅三詩

西塔 睡起 戲贈行密上人 次李仁中韻送臬上人歸

龍安 訪僧 戲贈嗣譽三首 病中即事 廬山道

中 北希兩絕句 對雪有懷廬山道中 自和六絕句

再和 同季彭弟過南屏野寺 對日陰雨懷李

生 戲刺車馬事以問 小憩臨江亭望懷中書云

戲呈子房 山郭過鄭馬功初歸 清曉登吳相浮

屠上有東坡書 舟中戲作俳體 荻荅 老坡自海

外歸為書簡并現雲竹閣榜今為殺風景者毀之 戲書

次韻文潛三書三絕 延福寺詩 齊安以頭別何氏兄弟舟

中少絕句 留別小慶 對酒 夢春度度持生
畫山水圖末語于此畫別隨州於也君為我作詩書其上
夢中賦此詩 歲晚回首 茅堂清生有懷元亮 有懷
雪堂舊遊 離曲總中 林占處士和詩先生之詩也
予厚善今死矣作兩絕句予之 久不以此弟消息之絕
遊雲居寺三絕 代二齋解嘲 解嘲 西隱規 離豫
章進賢道中 招隱亭詩 雜難 醉中戲次師言
韻黃岡少逸 次韻九弟過崖婦並懷微之句 次
韻九弟函園即事 次韻五平見贈道予遊山莊勝處
二次韻九弟五絕句 哭高書墓 遊雲居寺絕 寄鄭
禹功魏履卿 黃子植建茗石瓶石脂潘衡墨
且亦近日詩作也絕句 寄臨川諸舊並悲之謝 寄

何氏兄弟 次韻山苦寄質鑄 宋廬山道中寄中上座
顏魯公祠 新寺遺興三絕句 遺興並寄豫章之
中 即事 題醉書 送序賦之上座 漫興 歲晚漫
興 函園風雨 竹間雨絕句 自西林投宿歸宗
遣心絕句奉寄皓七校書并二何 翻經堂



日涉園集卷一

五言古詩

次正平上座韻贈子充

吾宗大宛種未入十二閑
膺門沫流赭氣已無燕山
何時黃金羈鞍轡長楸間
皎皎自空谷待君當御還

戲贈兼簡李翹叟

荊州有醉客踏雪至我廬
缺月寒皎皎掛在東南隅
索我五字句慙非競病徒賣菜
欲求益故態發狂奴
寄聲李夫人聊為一笑娛

贈子充

宋李彭撰



阿克克家才昭代真孝秀白髮在板輿色養待昏晝
來管甘脆具底事成宿留到骨似我窮黃鍾滿君脰
落帆我生魄步屨月成殼幽園語更僕莫遣雙眉皺
覓句洗愁兵河傾轉箕斗

贈無著

蕭蕭玉澗翁韻調實瓌朗懷人修文去音塵生逸想
豈唯招重客我廬亦時在微軫發妙言幽園復清曠
縹思下巖隈歲月駛兩槩寒蟬久停號新禽哢佳響
去者念履綦方來驚蕙帳伊予厭囂塵絕壑期自放
從君割半峯披雲同矯掌

送人遊吳

朔風號木末迫此歲時晏驅車不停軌客子老昏宦
平生蔣詡徑求羊每娛玩持觴送落日抵掌河宿爛
胡為向吳會雅意訪親串親串者誰歟昂昂金閨彥
噓枯由獎照要津藉推挽念子赴修塗發軔在昧旦
娟娟所嬌兒竄竄越門限閨人密縫裳返征苦多綻
結束志千里二事忘一眇莫遣虞虞歎愆期發長嘆

宿歸宗贈軾老

平生丘壑心祇園多幽趣杖藜過懸崖投足澄百慮
涓涓一滴泉湛湛三危露淵淵自曹溪甘腴勝牛乳

諸峯羅孫曾一一尊鼻祖法筵碧眼人家世本鄆社
紫樞與黃閣去天總五尺不為世網嬰祭可叶心素
繩牀作禪定大音響韶濩應夢先補陀祝髮得玉斧
我來心眼明意氣諧律呂金地雨曼殊天香透巾屨
明當整歸鞍天末蜚鴻度

奉贈正平上座

若人韻超遠天資復敦龐蕭然出塵表幽寺聽逢逢
劔峯極天靜懸瀑聲春撞心猿久調御業白瑩明缸
殘河橫曉鉢霽霧起寒窻禪餘覓佳句烏鴛筆能扛
我來孟冬月望履塵心降世紛劇羊負是身如帝江

願借三峽水一滋隴頭龍永辦桑門服猶堪追老龐

和連雨獨飲

力田勝巧宦燕息自超然懶覩竹素書俯仰丘壑間
時時過祇園亦復舞胎仙偶然得歡趣舉觴望青天
六鑿自無競歛見象帝先羲皇隔晨炊坐見淳風還
磨螿不少留鼎鼎遂百年但得會心侶相對兩忘言
從弟用前韻作人日詩見寄復和以贈之

涉七日為人春言空復愁既念禰處士骨驚鸚鵡洲
更憐劉太孫擇卿得溫柔二兒千金軀輕生隨轉流
樽中有歡伯一笑為爾謀白髮生如寄時駛不可留

我有騰化術長袂挹浮丘君言可持餉定免二子羞
煩君一來過春色著汀鷗

嗣首座以老夫詩西嶺障斜日為韻作五章
見寄次韻答之

尋春舍南北呼酒玉東西絕勝劉校尉太乙持青藜
天邊藝蘭人風光今幾畦胡為寂滅海妙語紆虹霓
清霜熟柿栗會面一俄頃巖拳漸紫苞鳥語度諸嶺
仰頭占昏中弧星光炳炳何當聽談玄令我發深省
我家二季子風標荀令上優孟何足求慎勿作楚相
毛顏獨摧頽兒能縛籬障摩莎繭粟姿我老那復壯

爭端起儒墨春蚓兼秋蛇筆研真淺事專門自名家
但有香積飯不妨薰毗耶溫風媚高柳招客整還斜
歐峰壓半天塔除轉晴日落磴多雪芽香草皆碧莖
嗣公釋門老耽耽虎而翼我欲往叩之藤蘿迷石室

送潤上人歸宛陵

我昔遊宣城稚節等雛鳳稍知風物奇未解入嘲弄
歛爾鬢負霜歲月雜機綜唯有謝公亭頗復到清夢
上人宛陵秀禪餘喜吟諷胸中淡無畦妙覺自能種
偶隨歐峯雲悠然入茅棟談間無俗調不應亭午供
誰云佳少年意氣極莊重別我歸故山索我贈言送

鄰邦古法窟老衲妙擒縱伽黎宴湖海名字走梁宋
吾其從之遊射隼期必中勿學漢陰人終年徒抱甕

蒲塘道中寄懷歸宗迥中法闡法仁三僧

憲鷄吹晨炊穀聲轉水轍出越得會稽辨嚴示明發
朔氣犯襟裾露華襲毛髮仿佛滹沱河幽事期可悅
旅雁起寒塘疎林耿明月挽彼歲寒姿然其共明滅
豈惟甦奚奴政可烘履襪黎明詣蕭寺餉糜隨盥櫛
風廊譎談僧蒲團尋老衲堂堂大圜照此渠親記劄
緬懷湯惠休妙理頗詣絕超然宴法窟胃次包禹穴
闡師遠遊孫卓卓霜下傑真成一角麟笑我緣盜髓

寂子延陵秀暉映敵冰雪渥洼真龍媒作駒已汗血
刮膜藉金篦嘉言霏玉屑德星每難聚顧免復易缺
紫霄上嶺玩石鏡懸壑澈幽期不嫌頻難遣芳歲歇

送杲上人復往荆南

荊州老居士曾著進賢冠似欲專一壺其誰知孔鳶
蒼苔門巷秋不許造席客世無王粲流倒屣端不惜
上人宣城彥俊氣橫九州學道貧徹骨與世初無求
馬駒大道場屬者失宗匠欲銘宰堵波見此真漢相
行乞千里餘朔風枯葉顛曉踏澗下雪暝宿天邊烟
赤手泛滄溟笑此大草草不為丞相嗔乃得照乘寶

歸來寂無聞翠琰開險艱精衛既填海愚公果移山
力貧辨行李復作南群去游子多苦顏開士淡無慮
霜風木颼颼便當賦式微日涉望烟靄扶筇遲來歸
奉贈歸宗才首座

五着匡山履三息紫霄陰龔聞耶舍塔勢吞天姥岑
俯窺鵬鷲背上聆鍾梵音未航蕭梁葦峻風先少林
靈骨化大璐鉅名偕南金松門欲牽葉苦雨每見臨
才公三衢秀古貌又古心老胡即渠是宴坐藏幽深
何用登紫霄自足披頰襟我過避秦客茗椀來相尋
真成虎溪笑稍寬梁甫吟衲子嘆雌伏道師非陸沉

世多石窟病須下鼓山針

送寧上人歸淨慈

之子遠行邁眷言歎松門雲物起離色况乃聞清猿
頗云吳會去飽參南山禪南山燕額郎氣教千人軍
要當理斷履過我藝蘭孫

寄珍首座

詩寧淺而靜不肯深而蕪現公秋懷作峻潔仍紆餘
譬之列華饌陸海盈中厨食蟹貴飽黃食魚先腹腴
多入出亦少我昔聞先儒年來病蹇拙意廣材復疎
之子禪定起焚香滿晴虛坐看氤氳處絲絲詩思俱

應作牛腰束能寄草堂無

題胡九齡畫夏景牛詩

陰岑不造天憇此老轂棘輟耕壑上耒投閑慰心曲
養牲奉嚴裡蓋用爾稟犢莫起陸沈悲為知果非福

送敦詩遊臨川

呂郎客秦淮詩思翻秋濤徐郎憇瀟峰句壓天柱高
相此兩公子信是千人豪叔也徃從之似欲訴不遭
探囊得長句如取綏山桃療飢非蒸砂禦寒必綈袍
一簪未著身所得不補勞復為飢所驅未許學卧陶
窮軍敵孤客如在臯蘭鑿幾成劉文叔須髮變二毛

搯筇峭草鞋進退似枯樺引領長江西沙頭喚魚舸
金溪有謝侯宵多略與韜天資類文靖貌實中郎曹
叔也徃從之攻愁解鞵橐毋輕歌驪駒不復吟畔牢
待公稠載歸為我携蒲萄來賞傲霜菊一尊澆老饕

和季敬戲書

短草被南陌晴絲颺幽軒心靜境云寂默居宣妙言
林深鳥鳥樂花繁蜂蝶喧是中即真意何須祗樹園
再和嗣首座五詩寄舒老微老

在昔董仲舒屈身相膠西窮經著繁露窺園廢扶藜
而我異於是清晨來灌畦雨餘聊自適微行看斷蛭

黃生牛醫兒襟量包萬頃稱譏守夢事緩帶耳不領
公議如丹青千載煥且炳古人何必遠薄躬吾屢省
堂堂一舒翁道價融壑上烟霞斷塵緣那復知若相
會將超諸緣奪我事理障莫言霜滿頤雙鏢一何壯
嗣公丹鳳羽高笑破羣蛙汲引後來秀義俠如朱家
出語掩顏謝遊戲達摩耶卧讀春風句飛鴻澹墨斜
收菴擔板翁銳氣如平日明壁不可瑕宗蘭有餘苾
何嘗疲津梁苦鍛垂天翼索價無乃高孤峯問少室
何生用韵見寄復荅之兼示小何二首
繞屋陰扶踈空堦蘚文皺懷人殊未來安得傾蓋舊

好為政相呼吟蛩俄應候夜夢嵇阮輩醉鄉須少留
莫踏肥馬塵我自貧馬瘦

水部有耳孫湖海胷中浩小陸復何人相逢歲亦早
並游蘇黃門我曾不容掃梧桐生朝陽莫須聞鳴鳥
雲中遣馮唐據鞍未渠老

次韵荅禹功兼簡周國振時禹功一夕泛舟
歸郡不及話離五首

攀蘿委松宿漱石看雲行松踈暝色漫雲度夕陰生
若人有高躅領畧遺世情聊為公府步冉冉復盈盈
蒼苔映槿墉商飈薄庭樹方期著屐來遽作張帆去

擇交如擇金披沙歎相遇慈明畏魚雙偉節慙最怒
公抱青田姿俛啄家鷄群微之柱頰外遐矚西山雲
昔我藻鑿士泗外老仙拱木蔽狐墳詎意王子敬晚
乃知羊欣且州杜史

相望兩牛鳴頓覺千里別未別如懷冰別來三伏熟
賴有清暉吟當窗時玩閱音塵在我前悠然情話悅
飄飄顧曲即恬愉仍艷深相逢何必早但貴相知心
臨博斯識道聞韶真賞音端須理三徑歲華多浸淫

王生以詩見貽次韵答之生視脊中環中實

仲父

渠渠太史門諸郎蓋當世大匠無棄材知人亦未易
阿戎兩雲孫駸駸遣人畏難兄江南秀美比嘗託意
歎為修文郎不作活國士令弟老數竒禪寂甘窮賴
時於翰墨場往往見高致揚州故時語奕奕好風氣
獨識史君顏周禮秉早歲背城幾借一問學晚尤粹
相逢且班荆十事欲九異何須張女彈端為建康醉
請拋高門竿莫反魯麟袂花藥聘君湖暄風攬春思
人生行樂耳餘事相相寐崇蘭有國香寧以不服廢
雖無雙南金可報綠綺惠此豈小物哉吾言未渠棄
杜欽之次淵明答龐參軍韵見送用韵答之

征南遠韻度詣絕皆妙言銀臺陳諫疏耻作賦兔園
手板聊挂頰爽氣來新篇臨窗無謝守僧珍自超然
我遊赤壁下為君且延緣周禮盡在魯驚嗟類韓宣
候雁響橫河遊子念故山行當理烟艇相期醉餘年

七夕

兜時聞天孫今夕聘河鼓鳴橈應暫停飛鵲橋邊渡
藁砧倦伏箱捨策息怨語常時別經年雪涕作零雨
念各非妙齡無復啼著曙瘳兜去寒拙芳樽香核具
頗憐楊柳州文字稍誇詡昔在台省時模畫秘莫覩
奈何吐憤辭投荒猶未悟性與是身俱巧拙有常度

何能謂以獲詎有期而去悠悠區中緣當今愛體素

元夕高卧

伊昔宅閔輔門閭萃冠蓋停杯邀明月意氣殊藹藹
春風墮江城蒐獮顏髮改糞除二畝地羊裘力薪採
矯首望舒圓何由賞心在烟村雜簫鼓叢祠響宇籟
誰能伴兜嬉頗復償睡債初驚釜鳴雷遽作濤擣海
非閔骨相屯長閑荷真宰吾生計已決無勞問著蔡

宿西林寺有先特進及先學士詩

渡江送行人我行亦清興草木春路賒斜斜復整整
獨造此寶坊深穩庭宇靜復閣襯烟霞疎林池鍾磬

征南遠韻度詣絕皆妙言銀臺陳諫疏耻作賦免園
手板聊挂頰爽氣來新篇臨窗無謝守僧珍自超然
我遊赤壁下為君且延緣周禮盡在魯驚嗟類韓宣
候雁響橫河遊子念故山行當理烟艇相期醉餘年

七夕

兜時聞天孫今夕聘河鼓鳴機應慙停飛鵲橋邊渡
藁砧倦伏箱捨策息怨語常時別經年雪涕作零雨
念各非妙齡無復啼著曙瘳兜去寒拙芳樽香核具
頗憐楊柳州文字稍誇詡昔在台省時模畫秘莫觀
奈何吐憤辭投荒猶未悟性與是身俱巧拙有常度

何能謂以獲詎有胡而古
面今愛體素

何世同敷二音
謝字通丁
山新前易
此字通
此字通

延年國歌作長
此字通
此字通
此字通

此字通

此字通
此字通
此字通

矯首望舒圓何由賞心在烟村雜簫鼓叢祠響字籟
誰能伴兜嬉頗復償睡債初驚釜鳴雷遽作濤擣海
非關骨相屯長閑荷真宰吾生計已決無勞問著蔡

宿西林寺有先特進及先學士詩

渡江送行人我行亦清興草木春路賒斜斜復整整
獨造北竇坊深穩庭宇靜復閣襯烟霞疎林池鍾磬

殘僧溢對人。短童工汲井。杖履若能神。迥知茲遊勝。
楹間盤硬語。恠底光炯炯。追還曾高風。孰復發深省。
來歸十陽秋。足不踐斯境。猿鶴情未忘。拾松來煮茗。

次韵謝眺觀朝雨

涼飈起屋角。微雲天際來。撼撼荷上雨。冉冉自陽臺。
軒窗積餘潤。竹樹絕纖埃。懶故事幽屏。柴扉為誰開。
肥遯病使然。黃門豈真哉。可憐南巷翁。携魚柳貫腮。餉
我共杯盞。眷焉久徘徊。憑虛耳熱後。褰裳望蓬來。

奉同伯固駒甫師川聖功養直及阿虎尋春

因賦問柳尋花到野亭。以得野字

曜靈運行春。蘄若被原野。客子具歸驂。暄風挽羸馬。
屬國賢耳孫。當代豪長者。勝游參羊何。重客或屈賈。
木末仲宣樓。華榱大蘭若。徐步幽屢尋。銷憂日耶假。
手無垂露資。發興為君寫。晚過岱宗吏。寥濶存大雅。
犧樽追三代。琴筑觀九夏。粲粲懸牙籤。照眼不容捨。
歸酌顧建康。我實陪樽下。雄豪先競病。遲遯喑啞。
匪惟稱行樂。性靈賴陶冶。他時儻重來。更結離騷社。
里儒程君窮。居教弟子員。喜雨作詩見。貽次

韵謝之

柴門臨江臯。炎蒸頗云極。金椎無壯心。火老有驕色。

慈雲辦甘雨雷掃不容隙勞生天邊月躔次飽更歷
紆懷程夫子熱客難造席涵濡被蒙童肥瘠各有適
瓌材構寒露揮斤由匠石不邀里閭敬人自觀至德
鄙夫極荒蕪何能臻壺域弱齡再鼓衰橐子避勅敵
蕭然身一丘非閑與塵隔董生悲不過而我異休戚
高林收晚靄歸鳥俱歛翼詩成獨微吟長懷矯雲翮

遊同安寺

雨歇漲江急野興聊胥疏漾舟拂林表擊汰驚飛鳧
雲端僧坐夏遂造林公盧貌坐演妙理法筵倉海珠
舌本難雄辯奔放懸江湖巽公庭宇淨爐烟堂晏如

畧無客造請杳黑眈毗盧吾家大長者惠光充太虛
著論役天女寶笈負於菟開圖拜遺像悲嘆隨卷舒
歸來掩閤卧念冷無羸餘譬如能橐鞬境界自于于

和苦雨韻

春歸已懶祭微綠先道周衡門少燈火征夫竭乾餽
雨工挽九河存作南國憂君詩形苦詞高義薄中州
歌聲滿天地宰物能聞不凡今世賢知耄及誰不偷
唯我與之子炯炯定寡求安得習習風凍枿新萌抽
送山滌餘靄歸雲下巖幽紫鳳會靄翥百鳥勞喧啾
蒼生得稅駕王度日清休醉眼眩章句煩君為校讎

遊簡寂觀

仲夏暑方壯，游子巾柴車。崖斷眇空曠，遂造群仙居。
閣步煙靄外，追涼晚風餘。泉聲遠逾響，猿掛時相呼。
仙人翔寥廓，曾不念故廬。蒼珉禮斗處，往往聞笙竽。
我復恣雲卧，悠然隘寰區。妄念鼓不作，長歎聊虛徐。

奉酬蕭子植

太丘廊廟具，活國方暢謀。虎豹阨九關，全軀荷靈脩。
元方開美度，奮舌同尊周。悠悠釋嶠雲，亭亭留海陬。
別時閨中女，娟娟未知愁。小襦繡爛漫，擷草闌新柔。
甲子歎流電，窈窕今好逑。捧對得妙士，邁往氣橫秋。

既逾絕塵到，復似黃中劉。屬者過我廬，並坐崖谷幽。
高標極迴映，出語如冥搜。想當飽四庫，那肯事五樓。
回首問童稚，頗有此客不。分携月屢鼓，好音俄見投。
蠻戕落大白，豪潤仍清道。顧茲坦腹郎，信矣百不憂。
側聞奏雲門，總章定諧諏。翁當乘安車，姓名覆金甌。
冰清遂賜環，德星聚中州。陋巷寡輪鞅，寒烟滿林丘。
滌耳聽老語，餘生復何求。哦詩聊送似，長懷付溟鷗。
奉酬湖陰常深道

淮南廢沐浴，望漢三十秋。丞相發蒙耳，衛青奴虜儔。
終藉汲長孺，毅然寢陰謀。正人國之紀，進退繫威休。

鷓立聳朝著深藏耀巖幽湖陰有真隱趣尚協滄洲
竒骨飽風霜大筆森戈矛急賢甚漁獵網羅英雋收
終南與少室朝暮拔其尤胡為卧江津尚阻瞻冕旒
顧令蘭粟犢升裡薦園丘開軒榜獨樂高躅追前脩
志士遺草澤餘波及觴流益使山林尊豪奪不可求
但恐赴隴書未能逃大蒐嗟與牛馬走鬢班年亦道
烟霞入種藝松桂助颺颺書來挾妙句眷言頗綢繆
乃知氣先感臭味還相伴詩成月生嶺迴溪上明樓

奉酬石元涇

往時萬石君諸郎皆孝秀身自浣厠踰已足垂不朽

君侯驅赤木去病如滌垢以茲壽白髮不落西京後
新章來全楚爽氣起懷袖覓句代寒溫慙非報瓊玖

奉酬程子尚

彼美洛陽人貽我栢梁句艷色啟清研春雲多態度
憶昔郎官湖秋風落烟樹使君出程門蕭蕭髮垂素
平時仲尼履尚可藏武庫不見楊子雲欣與侯芭遇
况茲得小阮風流肖諸父曠懷滄洲期協我塵外趣
尚無金玉音歸鴻來枉渚

慶上人以再聞誦新作突過黃初詩為韵作

十詩見寄次韵酬之

鄱陽山水國東南一都會期豫得斯人駸駸越流輩
 鳥可不足吞支許欲追配新詩如絃簧窈眇歌一再
 壁公釋門老室有芝蘭薰昔為一逢掖直諒頗多聞
 枯禪百無染靜擁襄漢雲不隨兒女曹拳旗樹功勳
 蟬噪嗟齊梁鳳鳴推沈宋諸人勤著作何嘗窺妙用
 獨有杜參謀變態無與共絕唱冠古今孤高追橘訟惜誦頌
 嘉平送餘運丘園先欲春東風堂堂來不畏北風噴
 緬想萱芽動高標壓常珍川岑互映徹草木俱鮮新
 吾友韓子蒼霧豹閱閔鑰一朝出陰崖蓬山真著作
 絕倫共推讓痛掃淨瑕膜行矣貳紫微居然賦紅藥

材名參上流徙薪知曲突趣嚮期真源悟懶與漢風

悅須法窟楚諫

要自非九骨幻藥不可當靈根貴英發

我生如舡艇罇漏頓補過涉世各風俱末流唱予聊復和

髮短巾屨歌食艱齒仍墮自嗟叔夜懶又疑武侯卧

田園本地著敏耘不忘初脩桑復浴種力作共征輸

榮名愧八俊典學欣三餘安敢望輓汲雲林當晏如

子居招隱巖妙解招隱詩濟勝良有具幽討捷若馳

秀時王郎子斷句時相依異世得岳湛連璧真妍姿

札札寒女機織素工流黃何如風塵外翠袖倚脩篁

幽子渺天末肯傍霍衛墻饗人解鼃處誰能染指嘗

若風流係原
 本莊唐君任
 字之祖者相道也
 風流則者作橫
 流或風帆寄

九日奉呈元亮兄

窮秋風落山歲事幾轉軸蕭然四壁空觸目困羈束
我塵已生甑兄亦未有屋少也不如人自視真陸陸
北阮烏賀蘭絕影追風足誰知薦園丘乃用爾栗犢
棄置勿復陳萬事蕉夢鹿渺渺天界高官黃著畦菊
能來慰艱勤濁醪巾可漉雖無熊耳杯要自尊中涿
屬厭謝珥羞無禍可當福回覲夸夸兒往往加煩促

用前韵

離索未相逢情親在詩軸歸來兩丹楓詩作牛腰束
妙語挾風霜勁氣穿我屋眼中識慈明尊下慙小陸

念昔少年時洞庭思濯足援琴寫將歸臨河嘆鳴犢
正爾巢一枝何勞排五鹿江閣洲渚寒微風泛時菊
劇談斗低昂露草復淋漓誰家酒杯寬滿引甕頭涿
何知程衡尉未暇碩藉福鼓枹牽牛河頓覺滄溟促

農家三首

力田狗所務蓐食赴其勞譬之賈欲贏疇能惡喧囂
逢年未前期敢緩芟與薶黔雷無偏頗多稼埋牛尻
倉廩自茲寔含飴弄兜曹

自我曾高時以有此土田一朝均租賦吏文滂相煎
南鄰勢炙手北鄰富薰天歎聚烏合衆變詐揮金錢

本心抑兼并瘠土賦委填如聞下溫詔膏澤為洗滌
但願多樂歲彭腹常便便

牛羊膾以肥鴨鷄大且碩里正少經過誰能事烹擊
年豐大作社婦姑得紡績吾生本完膚箴砭困無疾
十年遭追胥翻倒徒四壁從今得安眠絡緯鳴唧唧
海內政不苛民望罷厄苦劇賊藏禍心全吳俄獻聚
僭號著赭黃竊發遽如許喧然大點兵移檄揮毛羽
推轂遣軍容壯士皆貔虎府縣調急夫騷動頗里旅
富室齎金璧細民携婦女巖谷遠遁避股慄畏刀鋸
寒儒守松楸効死安忍去南風吹捷音破竹聞吉語

聖朝乾坤大鼠輩敢予侮妖氛已盪盡和氣滿南土
但願勤民瘼治安每危懼昨抱心腹疴砭劑得良愈
要於匕筮間毋忘伏枕慮諸公頗臯夔臨軒跨堯禹
鄙夫藹蕘言庶或資小補倚松一長吟停雲洒朝雨

題黃氏靈芝閣

武皇元封間靈芝齋房秀聲詩薦朝中竊眇壓金奏
昭代符瑞臻史筆勒篆籀百川俱効珍龍媒入閑廐
南州天一涯和氣滋暢茂偉哉鄉黨賢卓絕行孝友
煌煌產奇姿粲若雲出岫蔚為家庭瑞何苦發占繇
複閣耿晴空卿霽晨夕覆秀出玉樹即競爽等華胄

起家端有人不落流輩後病夫卧邱園歎傲閱晴晝
相期中柴車願望未捐脰雖非殺青書因之作詩瘦

呂信道以詩見遺作五字句報之

江州持月旦嚴於亞夫營君為倒屣客渡洛四坐驚
我從鄂沔來會面邾子城新詩照窗几頗復深而清
作人有佳處喜客家釀傾幽花不遣賞未免遭譏評
何當小拂掠擽飲罄玉餅

有慶上人數以詩見贈慶始學詩於祖可爾
來擺脫故步進而不已未可量也作短句
以報之

晝公無恙時句吐春空雲筆端歛萬壑中間清夜猿
門生霑騰馥派別自淵源深嶺蘿月妙縱觀嵐氣昏
時蒙一顧重騰驤空馬羣大師於越秀幽氣如芳蓀
玉笈發金籥閣步登詞門脫畧塵外躅摩霄鬱飛翻
豈惟足風露定復多皇墳昨枉招隱句深靚麗且溫
挽我誘松桂要移北山文諸郎短兵接此事獨策勲
慙非鐘磬評更休知者論

自武寧捨舟度嶺投宿南山寺詩

水落晚灘溢雲生寒嶺昏捨舟步崎峰鬱羅陟松門
孤烟望墟落浮林自一源野杓方屢渡槿籬時扣關

弄孫何許翁夷面復烏言問津了不解路窮斜谷分
暝投古蘭若鐘磬清塵根猶疑武陵客誤宿桃香村

遊真風觀

綠雲得支徑遂造幽人居夕風冒梁棟蒼苔上庭除
仙崖衣襍積玉磬韻虛徐回首塵外躅浩歌將馬如

歸來堂為韓子蒼題

出處無定在閱世闕盛衰令德山林尊昭代邱園非
達人解其趣頗復擇所歸淵明傲世故葛巾風歎歎
偶隨出岫雲戲作三徑資少日辭吏去松菊親風期
韓侯極簡秀早蒙當宇知未吐五色綫小試聊補遺

高詠少司命乘風載雲旗一坐空無人安能免深排
昨來天東壁少欲乘泰階誤隨曉星去流落天南陲
得縣篁竹中簿領頗沈迷奈何訓誥筆反用催科為
度堂痛掃溉勝氣自爾隨風度窗戶急雲生梁棟遲
不減田園居歸去將安之窈窕青禁闥沈沈黃金闈
至尊下溫詔群公歌式微行矣戒徂兩長吟收夕霏
曉發章水道中有懷伯固駒甫師川養直効
何水部體以寄恨

幽窗未全曙百鳥忽忽鳴分袂會心侶歸艎章水平
寒溫乍回互適茲周雨莫水南花未放水北柳渾青

春物幾駘蕩浮雲俄變更念昨一笑適愁分兩地情
縹瓷舉桑落醒醉還醒

發故篋獲端石蟾蜍研形模極小蓋予幼少
時几案間物對之蕭然如與故人相遇感
而賦詩

誰從浴日淵得此頽虬邛雕鐫勞哲匠睹腹目仍睥
良非銅雀渴頗覺鳳味短憶昔少年日濡毫輒塗竄
蒼苔時覓句賦雪起為亂麟經折凡例義易明象象
冉冉桑榆交忽忽顏髮換發囊逢故清夢聊為喚李
膺交北海中郎識元歎當時臨所遇與我意俱滿翻
思辭學官噉月復不淺起予剛直甯徃徃期并案願
同戀棧馬作我郊園伴新詩真類俳破睡資一粲

宿開先

建業未焚櫬孫山寔靈囿推輪碧眼胡篤老勤井臼
草樹百經霜徃事如運帚遠懷一味禪徒酌三昧酒
尋源徹河漢窈窕出幽竇卧看落山腰雙鳥起驚救
稍深藤蘿昏扶藜入徑取伽陀古錄鈎殷勤牧羊叟
礪角煩羸牛外苞蘚紋皺徃者不可作念切病軀瘦
眼明逢鳥可秦度復畏友俯身携阿連冥搜迓折柳
竟亦不能奇荒蕪但如舊更須尋紫霄寒廳視牛斗

寄侍其雲叟

建業有高士，幽棲閱高時。從出岫雲縹緲來，青冥
昨者修水頭，伴我騎長鯨。貌古心更古，膚清神愈清。
朝談織烏墜，夜生玉繩橫。辯舌不掛壁，泊然忘譏評。
嶧琴孤風嘯，塵暴飛電鳴。慈明投祖去，霜風助揚舲。
自我不見子，三占少微星。殷勤行沙鴈，素書每丁寧。
悠悠望塵友，變態鴻毛輕。盟血未曾乾，飛語聊相傾。
少聞高士風，汗下顏甚頽。吾言蓋有激，因之見交情。

宿雲車十住軒

塵事起濫觴，洶洶濤頭聚。對鏡眼生花，尋幽心脫兔。
歐峯阻躋攀，榆柳春丹暮。維時春作夏，起我勤杖屨。
捫蘿惑去蹊，陟嶽忘故步。大壑埋白雲，陰崖崩老樹。
縈紆幽鳥道，突兀升洞府。厖眉老比丘，倒屣蒙顧遇。
曾未契三閔，遽已棲十住。暉暉天橫參，稍稍窗送曙。
華鯨破短夢，山禽喚新句。伊予群念息，亦遭回俗馭。
徒為三日留，復在邯鄲路。

雪夜戲王侯

望舒離金虎，晚雨幻玉沙。觸楹勢頗疾，打窻風正斜。
西家有勝士，夢回筆生花。孺人近行邁，章江駐雲車。
銀屏擁絳桃，繡帳戲蘭牙。楚停短轅馭，清歡春思賒。

陋巷笑短李柴門蓬藿遮
短褐對孟光冰柱吟劉義
想君獨樂時覓句刺欲誇
脉脉無由語疎林集暝鴉

對雪

晏陰城郭昏窮巷寒意
沍回飈卷玉塵稍稍凝曙
露應煩阿香手終日春薄
暮獨鳥避寒柯驚麝迷故
步木冰達官怕向來聞此
語擁絮卧北窻鼻端從相
相

遣興

彌年倦行役丘園曠幽
尋殷勤響晴咲為我貽好
音梨花映皓月猶作故時
面歸來雪如花坐看花如
霰中朝懸美祿椎鋒號能
軍而我於此時不武亦不
文

平生嚴子陵故自狂奴態
箕踞問君房素癡寧小差
上馬須不落起居善何如
吾生行樂爾何用明區區
謝靈運詩云中為天地物
今成鄙夫有取以

為韵遣興作十章兼寄雲叟

嚴霜知勁栢大節見固窮
懷人居白下抱道立黃中
秦淮浩茫茫楚山耿叢叢
胡為怯音素過盡南歸鴻
達士庶可慕勞生良足悲
君看嘉賓黠何如方回癡
榮衰等湛露變更如劇棊
冥冥萬事定何用機心為
學詩如食蜜甘芳無中邊
陳言初務去晚乃換骨仙
我昔寔知此老懶挽不前
兜曹喜吟颯快意艷陽天

曩時阮步兵埋照每沉醉是身託麴蘖真若有所避
誰知名教中固自多樂地花氣雜和風相我曲肱睡
西京執戟卽老嗜杯中物觀其所著書滋讀由蹇吃
劇情見平生何心窺髣髴唯有四愁賦至今猶炳蔚
孔融天下士荀彧雙南金既為阿瞞用復為阿瞞禽
獨聞管幼安龍蟠蒼海深難用固難殺耿光垂古今
器博無近用胷中要縱橫腐儒昧行歲寒窗守一經
營營市道交務利如魚并無復典刑在况當觀老成
陽城海內豪隱居晉之鄙養此冰霰姿諫官安足起
欲沮延齡相悠悠自風靡何以昭無窮政賴有此爾

灌園如結廬畦蔬如養雞敏耘斯易壯稍墮或攘耡
賣菜厭求益得酒聊歌呼醒來北窻下解衣誦潛夫
幽雲生簷楹落日掛戶牖茂樹發華顛歸鳥鳴高柳
春風可憐人舉茲為我壽行樂當及時浮名竟何有

次韵吕居仁見寄

井銜澹疎烟幽憂廢寒暑孤雲起幽嶼澤物猶能雨
殷殷空裏雷何曾濡厚土燕鴻且長饑誰能投枉渚
知心不識面公子寔楚楚五葉活國謀摩挲喋不吐
勝日覓羊何幽期得支許才高賦唯蛻識遠辯龍鼠
蘭蓀無異縣臭味同此舉開歲欲問津夢逐寒江櫓

次九弟韵

觀山如觀畫入眼詩輒進厭則收卷之去留情不吝
老境喜平夷落紙風雨迅誰能肝腎愁虛名媒疾疢
屬聞殷國師已發吳越輒破竹擒諸偷長纓收犯順
官軍將解嚴胸懷俱朗潤小鴈讀我詩出語亦道峻
流霞瞰槁顏如彼潮有信但願吉語聞稱觴兀班鬢

次秦處度贈歸宗老示中上座韵

夕霏催節徃槁葉徑辭風力疾招秦叔望山扶老筇
泄雲為卿靄牽余來鷲峰中有龐眉老常持半聖方
一席跨牛地誅茅期此同虛懷包朗月意表得詩翁

遠志是小草慎在出處中公莫厭苦相歲晏長相從

次韵元亮行沙頭

甘雪餞餘運行春慰清愁曠懷萬物表妙趣寄滄洲
視我園中蔬陳根發新柔恨無清渭姿入徑不同流
老鴈啜菰蒲非忘稻梁謀天涯網羅密所以挽不留
倚杖一蕭散好鳥鳴林丘誰同北山老不動移文羞
仲况儻能來長嘯狎鳧鷗

再次元亮韵

艇子打兩槳石城催莫愁不嫌波浪濶但懼水生洲
大堤多女兒草暖覆桑柔盈盈成雅步皎皎臨清流

翠釵掛人冠自作橫陳謀非無一時好高懷詎能留
朝歌回墨翟饋藥逃東丘此豈聊復爾頗似憐包羞
長吟望烟際飛來雙白鷗

次閑叟見寄之韵

王侯氣邁往青春頗干祿任俠似朱家竄身脫冤獄
甘隨支遁遊不作子公墮着鞭投前地嗜山性尤酷
遺民卧江漢無心謀半菽數面遂成親開懷注醞醑
新聞倒青箱讜論尊黃屋禪參靈運前庭列山陰竹
好乖當語離作惡徒滿腹西風掛席歸清談渴心足
漢庭今側席公道追黃鵠莫作稻梁謀營營輩鷄鶩

我自宴山川坐嘯臨長谷

次瑛上人韵兼示駒文

營道烈心脫脫葉危欲霜遊子多苦顏世故定未忘
解包祇園下暎帶瑤林芳窈窕寄雲鴈萬事炊黃梁
今君華亭姿俛啄不得翔相期紬金匱妙趣詣方將

次韵謝吳國器見贈

眇然詩家流誰能補其處雋逸追莫還蕪漫推不去
譬彼玉花虬絕塵須善御越女動鳴机織織工織素
吳侯勇於文銳氣發眉宇既度驂騑前邊幅時得觀
寧當縛微官一撮妙三語病夫檣櫟姿老及那受斧

新詩欲招隱便自於勞苦春言謝心期願公毋矯舉
知人寔未易定交良獨難勝已謝容悅有來期必端
明公邁往姿勁氣摩諫垣確訥金石貫博極溟渤寬
遺經起凡例射策凌孔鸞脾晚漢庭右言激壯士肝
耻作子公書肯彈貢禹冠小試不盡妙銀章楚江干
抱牆鴈鷺行欲作故時看彈治非柱後縮手心膽寒
何嘗擾獄事民自不以冤如卿未慙老此語垂不刊
虛懷望三益閱此賢士閑要須得偉人闊步未登壇
拜公丈人行攝衣許躋攀反蒙補我劓况復親芝蘭
會心在簡要我言真覺煩章成謝不敏猥并勞一刪

廬山道中望天池諸寺

籃輿造林口暝色歸暮田槁木半搖落羣峯翠回旋
翳雲門塔霏霏祇樹烟夕梵落雲際微鐘下送天平
時笑傲處真成觀輞川巖壑事難必賞心難捨旃還
將九節杖踏月上危顛

遊廬山懷叔粲季敵兼憶小子祇等次謝康

樂寄惠連歌

諸峯靄遐矚上與箕斗近西風吹人衣蕭然無畦畛
烟霞入詩句欲吐初未忍但恨數往來幽栖愧真隱
真隱如虛舟渺渺姑乘流何須長卿慢暮年稱倦游

鐘鳴起箇閣天上隱瓊樓馬能誘松桂曠懷且少留
少留平生歡看雲復長嘆芝蘭念羯末蘭栗惟雍端
倚松聊停策意遠紫層巒風駛烟尚積雨歇雲猶攢
攢雲本無心孤猿響山陰俯瞰白鹿洞仰窺紫霄岑
何時携諸少清盟可重尋仲子日邊去歸鴉聞暮音

次環中韵兼示蔡安叔

徵君遂偃蹇乃復肯見過清秋雨方闕斷蛻猶飲河
高論到正始往往操吾戈相期守唯一功成棄婆娑
步出雲雨上長嘯携羊何

觀諸少移瑞香花詩皆屬意不淺次轉字以

戲之

託諷本寓辭語亦要流轉歛現移花作者眼頓忘倦
勿矜風露姿未入麒麟殿行將顧眄稱深衷自茲見

次韵并示劉四壯輿

浣衣起筮仕釣璜辭碧灣朝來玩西峰聊答馬曹問
寂寥漢庭中二疎勇自退復有一子雲茅簷甘炙背

絕江過大雨

江流平兩堤艇子打雙槳西疇閱多稼北風吹巨浪
諸峰忽低昂飛鳥隨上下欲為舒嘯期茲焉廢心賞
喜聞繩武元亮有歸期

行雲無定姿况復出岫心因風著孤嶼悵望故山岑
遊子在天末胡為成滯淫巽坎浩難期關河阻且深
向來一紙書何啻萬黃金未射漢庭策不妨梁甫吟
孤花春欲盡裏許要同斟

赴隣舍招

虛舟縱逸棹冉冉成老大隨食蟲寄居行年蠟旋磨
來歸脩水頭視地不敢唾俚言亦屢陪灌畦常往佐
每於休作時弄筆聊頓挫謂言老於斯晏然歌楚些
年來尤屢空非闕學高卧時節閭里歡觴豆競繁夥
我獨蓬窗底達曙發清餓賴有竺乾書開顏真自賀
近局可憐人雞黍起顏墮整冠禮甚脩坐客仍虛左
浩歌為之傾樽為歌長破

題蘭亭脩禊圖

商飈吹漢臯水滿卽官湖狂策狂上秋興拂塵覩畫圖
娟然春風面觴詠聊歡娛中有超絕人髣髴多髭鬚
筆端吐竒肖紫鳳兼天吳草木方變衰安得蘭蕙俱
生絹如無有酣放間歌呼可憐謝餘杭沾醉歌坐隅
詩怪遭重劾罰酒輸行厨遥遥數千里定交在須臾
金谷望塵友鸞鳥何其愚嗟彼許敬宗握筆待玉除
將圖來此傳懸知不相如畫中見勝韵真欲誅姦諛

臨風增想像候鴈度晴虛

將遊雲居中途得佛鑑師到日涉簡徑歸

呼舡凌曙江江空渺黃霧冥冥蜀魄啼嘖嘖寒雀哺
道人大梁來折簡頌晤語為迴緣雲策小緩攀天路
元因會心期非闕排俗馭青燈耿夜牕高談雜踈雨

東湖夜歸賦詩二章呈駒甫師川

春歸土膏動草際來和風厲厲氣又嚴晏陰似窮冬
宗蘭未含薰蔽芾蕭艾中仲長久埋照幽期得無功
湖光起遙裔淑景復冲融連山倒垂碧落日半規紅
不須勞意匠物色自無窮

弱齡百不堪寄傲及壯節從人笑數竒丘壑藏我拙
客夢漳水頭鄰鷄鳴枯楊荷鉏挾新詩一作懷哉清
夜月野桃欲著花發見堪黍雪當還灌我園終歲飽
葵蕨

失題 此詩西京之二

恢恢樂遊苑遊樂蠲苦顏懷風森萃尊吐花耀流年
秣驥無萬里銳氣陵天山妙哉首蒼盤信矣非虛言

讀西京雜記次淵明讀山海經韵

湛湛太液池氣接崑崙邱雕萌紫脫輩茂密誰能儔
鳧雛與鴈子翹波還復流佺佺倚黃鵠往往乘風游

飛燕傾人國專夜居昭陽當時姊弟貴坐閱歲月長
琉璃作窻扉金翠粲以光無復聞勤儉敦朴追文皇
彼姝掖庭子王嬙端可憐吐嗟毛延壽媚嫵移遠山
一朝聘絕域艷麗復何言畫工戮幾盡遺恨抱當年
公孫發蒙耳猥作支厦木仲舒棄膠西白駒在空谷
脫粟飯故人安敢望薰沐齊人固多詐何由調玉燭
長卿還成都埋玉崑山陰謀醉鷓鴣裘楚然趣邱林
賣醪著犢鼻滌器揚巴音誰知子虛賦遽慙武皇心
子雲識奇字辨舌非所長有宅終一區安貧固其常
深沉草玄腹如累萬里艱苦心夢吐鳳流傳今未央

惠在長安儒馳騁盤珠走廉頗靈粟犢五鹿不當負
拊心因劇談此中固多有口舌何足爭虛名千載後
淮南學神仙逸跡窮山海著書名鴻烈精爽凜然在
字中挾風霜反躬忘寡悔空餘裏蹠金萬世將誰待
韓嫣倭幸從翫曲承密旨長安有成言金丸不餓死
平生鷄鷄冠於茲見操履安陵泣前魚炙手何可恃
侍中著貂璫非無事君志原韻雜用儒家流仕官譏不止
漢代從行幸親近固其理何嘗裨衮職所執玉虎子
馬遷下蠶室發憤見良才伯夷規列傳莫報嗟從來
含悲復不遜安能避嫌猜高文垂箕斗斯士今悠哉

飛燕傾人國專夜居昭陽當時姊弟貴坐閱歲月長
琉璃作窻扉金翠粲以光無復聞勤儉敦朴追文皇
彼姝掖庭子王嬙端可憐咄嗟毛延壽媚嫵移遠山
一朝聘絕域艷麗復何言畫工戮幾盡遺恨抱當年
公孫發蒙耳猥作支廈木仲舒棄膠西白駒在空谷
脫粟飯故人安敢望薰沐齊人固多詐何由調玉燭
長卿還成都埋玉崑山陰謀醉鷓鴣裘楚然遊邱林
賣醪著犢鼻滌器揚巴音誰知子虛賦遽慙武皇心
子雲識奇字辨舌非所長有宅終一區安貧固其常
深沉草玄腹如累萬里艱苦心夢吐鳳流傳今未央

惠在長安儒馳騁盤珠走廉頗靈粟犢五鹿不當負
拊心因劇談此中固多有口舌何足爭虛名千載後
淮南學神仙逸跡窮山海著書名鴻烈精爽凜然在
字中挾風霜反躬忘寡悔空餘囊蹠金萬世將誰待
韓嫣倭幸從翫曲承密旨長安有成言金丸不餓死
平生鷄鷄冠於茲見操履安陵泣前魚炙手何可恃
侍中著貂璫非無事君志原補字雜用儒家流仕宦譏不止
漢代從行幸親近固其理何嘗裨衮職所執玉虎子
馬遷下蠶室發憤見良才伯夷規列傳莫報嗟從來
含悲復不遜安能避嫌猜高文垂箕斗斯士今悠哉

侍其

讀西京雜記次淵明讀山海經韵十三首

南風吹新竹密密復踈踈脫冠眠北牕興不減精廬
縹思西京事聊開稚川書千古納眼界恍若巾紫車
頓忘在堽壙灌畦蒔佳蔬筆端真有口妙處天壤俱
明如丹青手百幅生綃圖舉似兒子曹矜誇還久如

讀廬山記懷文若弟

茂樹遶茅棟鳴泉響屋除曾中了無累泛濫匡山書
巖谷在眼界風烟來座隅時逢幽人語似與仙人俱
昔在宗少文壁間留畫圖澄神可觀道卧遊良不踈
嗟予何徒役山腰轉籃輿瞻焉懷靡及登臨將不殊

聊憑西去鳥殷勤問何如

陪趙傳道都護飲擬峴臺詩

平生羊荆州雅意垂不^朽休登臨發浩歎望秋怯蒲柳
誰知如湛者自可樊宇宙鄒郎不領略甘言發詛口
奈何千載餘卜築擬峴首我來勝氣生排霄峙山斗
何暇知許事谿山攬明秀都護賢王孫為具掃愁帚
晴嵐變晚靄霞綺粲高牖如開摩詰畫妙處落杯酒
長嘯倚徙餘孤鴻沒南岫

遂初堂為仲仲題

長鄉四壁立廖廓無羸餘子雲英妙姿有宅總一區

東山文靖公盛德壓海隅五畝幾不保翁仲泣遺墟
張融貧寄傲非水船安居是皆知名士慷慨振古無
隻椽與寸椽乃爾未易圖頃年黃篋舫赤壁蔽孤蒲
尉曹得錢侯孤柁吞平湖自言家吳會曾高結精廬
挾權彼何人連茵列鼎圖出奇斯無窮怡顏享渠渠
理世無寬民屢上黃屋書竟爾完趙璧幸免攘公瑜
赤手縛於菟幾發壯士疽草木初無情和氣勻嗟枯
尋盟賀燕雀聲樂聞烏烏獲鼎名其年作亭題遂初
如公已克家得雄必克問我居日涉園養疴聊自娛
卜築頗清曠風烟在衣裾問舍經始難覺公言不誣

詩成增相似疎鐘暝虛徐

晨起晨起昉庭柯冲襟澹無營猶疑夜來暑幻作秋氣清

舊籬烏雀語各自謀其生安能從物役月落脩渚橫
澹澹故園月暉暉垂屋星闌夕伴客語已復過我庭
誰為旋其樞未覺顧兔靈要知本不動莫作流轉驚

宿康王觀

流水赴天壑孤雲耿松門風幡動林杪步屨烟景昏
矯掌俟幽討高懷定誰論濁醪有佳趣溪魚供晚飧
無名意外鳥催曙武陵原

又重過康王觀

憶昔尋遠山停策康王谷烟昏鐘韻微林茂鳥歸速
羽人雖稀少落日見樵牧裴迴臨清溪溪魚白于玉
並遊幾何人槁葉下喬木回首十年夢前塵那可復
欲去且少留殘霞帶孤鷺

醉起

戀花歇晝眠汲泉醒午醉潛筠雅相携侵堦那復避
微風過方塘鬱鬱送荷氣丘園羣卉木詮品識根底
譬之足穀翁羸縮在心計借問有何好是中固多味
豫章通守李侯苦癱瘍卧舟中約予相見
雲斷夜來雨傍舟渡前溪波漲回汀沒林端遠岫微

故人方抱瘵有約吾忍違夷猶理歸棹天末放朝暉

劉越石

蒼岑玉崢嶸寒林深窈窕石如馬鬣封其中歲二島
匡山嘗款門烟扉耿相照瑤塔既勝截侍女亦雲縹
茲焉諧所求蟬脫出塵表自爾絕問津日月數過鳥
摩挲坐久如藤蘿欬猿歎

余與劉壯輿先大父屯田父秘丞為契家壯
輿又與子厚不數年皆下世今過其故居
劉郎平昔居門巷草芊芊念我眼中人骨驚淚潺湲
中允實高蹈倦遊自丁年間舍得匡廬卜宅如澗瀍

懸車著屋山騎牛弄寒泉秘書極精銳筆下走百川
口戈擊姦倭直聲寰宇喧諸郎排候鴈一一落雲天
獨餘漫郎叟高名星斗聯辟書日夜催援毫錄羣仙
幾負喪明責掛冠遂言旋中河忽墜月半岳遽摧顛
孤嫠俱幽墳憤一仆無復痊傳家惟蔡琰擇壻得鮑宣
驅車官殊方衡宇頽荒阡壞壁蝸篆滿小窓蛛網懸
翠藹遠山暝蒼苔修竹連徃時所憇樹相與聽鳴蟬
忽逢持斧翁葆鬢青行纏採薪收斜日代竹破疎烟
沉痛迫中腸裴回不能前高明鬼得瞰豈弟神所捐
微吟復淒斷暮角西風傳

宿慧日寺

幽窓著曙色匆匆烏鳥啼軫念在遠壑發輒離苔谿
泉聲作好語挽客來招提老衲道機熟空洞了無疑
霜鐘耿晴空上有垂露姿暝隨噌吰聲直與雲漢齊
摩挲不及去行雲會東歸鐘上有偈州題名云元豐七年九月二十三日眉山蘇某同參寥禪師登樓觀雨

喜元亮歸

念君赴修畛值此春事晏坐窓居人愁木末遊子遠
平時樂羣心亦起隔津歎南風不解愠執熱要排遣
好鳥啼噪簷際冰玉來照眼歲華幾何時莫遣費亭挽

茂叔儻可人勤來或忘返

脩源

脩源寒皎鏡湛湛有餘地居然起灘瀨無復保夷粹
人實不易知出處非細事懸知成小草何苦辭遠志
飢求仁者粟不用濫胡奴米清言豈置患高誼世所諱
君看陸平原華亭思鶴唳季野雖不言四時氣亦備
一飽會有時幽園動春意

宿翠巖

開門望西山歲月已云積及茲一登眺風雨送行役
緣雲路崎嶇憇澗鐘寂歷幽討良獨難微吟夜寥聞

呼酒告竭不果飲徒飲漿因次淵明述酒韻

貧賤府中歲沒齒甘無聞藿食屢清餓勢與膏梁分

斯濫非我事濁醪餒歸雲索饋從告竭不廢抱皇墳

嘯歌夜漫漫曜靈未能晨豈非杜康絕督郵那復馴

壺漿當航飲舉白澆余唇飛霜凝暑路調劑何殷勤

不堪餉親串一笑貽文君悠悠缺陷界本無藉與薰

亡於天地間而生經緯文東丘終反魯仲淹世居汾下脫詩

懷寶何必售千載猶心親伊優與翫儼榮衰本同倫

小軒前菊花玉雪可念今年忽變鶯黃作詩

小話

幽軒種佳菊得秋耀素華頗與塵外客特來當煮茶
賞爾真潔姿珂雪淨莫加今年日在房暉暉弄新葩
誰令色無主稍稍作此花長吟復三嗅亦復長嘆嗟
汲泉蒔根本藍田待瓊芽

觀訪戴圖

閑庭秋草積滿砌蒼苔深忽向冰紈上耶窺訪戴心
雪月俱皎皎風林互森森縱觀停艦處猶聞擊汰音
終月剡溪曲何嘗返山陰徒言興已盡真安誰能尋
浮生圖畫爾慷慨為長吟

別何肅之

吾黨何水曹明窗飽書傳筆頭夢細挑秀句出黃絹
胸中萬壑冰壁月共凝遠未受沈范知苦乏崔魏見
効官三徑資立節九秋幹隨牒修水瀆未減潘懷縣
誰知舞文吏把觴進鳧鴈煩苛困疲民欲作搏沙散
談笑罷追胥老稚無遺患春風吹城隅花柳俱紛衍
胡為動歸艎徑去不受挽病夫卧幽園念離情莫遣
營詩持送君愁雲橫絕嶽

遊資聖菴遇光明祖首座

久從招提遊妙趣崖谷迥自謂頗造微何由昧斯境
絳氣靄秋空白雪一作屯夜永華屋蔭脩椽皎月浮

藻井壞初逢阿師奉尊髮垂頂簡默近道要虛夷發
幽興念昨分手初霜飈虎溪冷及茲再會面老色藏
秀整屬予妄緣息值子塵事屏循澗意無窮捫蘿度
前嶺

寄雲居微首座

天星聚以繁斗杓橫復直其誰移人間羅列遍阡陌
綺紈沸笙竽觴酌事几席遙憐山阿人聽鐘夜寥闕
孤峯最高寒陰崖四時雪許分一派風濯我朱夏熱
江臯春事歸峰頭猶稟冽報子以迴飈草木亦欣悅
客有以贗銅香爐見貺者感而賦詩

巧匠資妙手斲泥冶金爐雲雷載儲腹金石礮慢膚
外質荷潤色中扃嗟厚誣巖巖金博山水沉興之俱
青烟耿朱火鬱窈凝空虛香色映華觴事見漢上題襟噴薄
滿座隅謬當二噐間顏此意不舒如聞厭浮偽此物
無羸餘勿云識真少為謀良自踈

承天壁韻

樞門嗟來食諸郎願操瓢獨有聘君孫詩裁九牛腰
南州翁仲泣祖風端未逞漢庭給扶人進隨退晚朝
凌烟在何許潘鏡二毛彫抱瑟懶求齊啜羹常見堯
與子同臭味何時共儀韶

雲薌閣為簡寂賦

匡山苦霧裏衝曉度前溪定是柴桑老來尋陸練師
誰復食霞客天籟吹參差泉妥巖崖白雲生梁棟遲
若憶遼東鶴似聽淮南鷄西隣約惠遠同採此中薇

雨過清曉登隣宮鐘閣

倦夜思重閣曙登興悠哉殿古木亦老江濶眼逾開
宿雨風前落幽雲鏡裏來高懷無一欠客底悲徘徊
書空復長嘯烏雀莫相猜

泛舟

時從弟俱行兼懷從兄元亮

暄風吹天墟淑景來日涉繁花已舒顏晴哢復緩頰

平生萬斛愁賴此短兵接俯攜諸少年清江玩舟楫
波平罷牽挽論高闊嘯嘯紉懷苟慈明冰霜冑中挾
食貧傍人門官學居建業向來疥遂疔性命危脫葉
勝遊夙昔共大句常岌峩回頭見小雁頗恨暮山疊
何嘗奮飛去碧雲端可躡

過淵明祠次還舊居韻

往者金華公賜環轅道歸筍輿過柴桑彷徨有餘悲
荒庭尚如舊物色人事非寒風起虛林木葉無復遺
榛叢傲霜菊詎肯相因依二事墮渺茫茲理未易推
適堪作廢朝總芳俱不衰當有曠達人橐金煩一揮

北齊校書圖

嫣然粉面即上馬能據鞍身非行秘書亦復磨鉛丹
六籍火攻餘渡河惑亥豕毫端雖有神頗能正朋字

自寰通契橋尋幽

谷鳥喚暝姿孤鍾生晚聽危橋澹忘歸巖壑耿相映
潺湲見機泉窈窕入雲磴遐矚野寺門忽盡山陰興

醉中戲贈淳上人

上人湯休徒肯顧亦云屢衣上鳳栖雲辨我林壑雨
殊方怨別餘苦乏碧雲句禪問儻能來耶用慰衰暮

到家用環中韻呈王侯

客子倦行役失席高軒過胡床語清夜皎皎天無河
勃窣自理窟何勞觸干戈蘭摧玉久折蕭艾空婆娑
彊進忘憂物無如作病何

遊仙二首

昔日漢公昉畦瓜真人旁試此塵外姿持獻分甘芳
神丹為之壽千里還故鄉勅鼠得被具妙處固難忘
雲生五畝宅鷄犬亦得將應持八瓊文往躋九霄觴
江叟冥寂士邈非芻豢流悠然揚舫去路窮仍曲謳
野笛三弄罷變徵荆卿愁我懷乃昭曠循寄真滄洲
只應清夜鶴時過縱山頭

夜飲

公子敬受客高會不知疲樽下殷勤勸只以慰數奇
樂於張女彈舜倦秦王衣持觴不作難霑醉倒接羅
客子歌言歸主稱露未晞

萬杉明首座休菴

原本缺 豁除鏗貌古心亦古飽參雲門禪透脫遭溪
路孤峰何烟霞飛鳥不得度幽竇響寒泉晴霏生斷
屨蒲團雪明窓一念萬年去深疑道豐厨要遣石窟
悟

得六弟書有歸期

茶鼎起松風明窓共昏旭孰令著征衣貧病為推轂
畏途阻且長况兹加煩促忽傳素尺書歡喜三過讀
蔽芾惡木陰前修慎其獨缺月耿孤桐歸雲赴深谷
吾擬從招隱殘章留子讀

晚登鐘樓即事

幽棲無熱客地僻自鳴蛙危樓一登眺晚涼清興賒
踈林方寂歷惡木半槎牙五峯在北戶慰眼落玄花
危檣渡洲渚暮帆收日叙鳳崗念徐稚去及東吳瓜
雪山輕幾許高士正浮楂南州苦牢落秋鱸寒可义

願懷張校尉莫作賈長沙何繇致叩叩翠栢故啼鴉

夜聽從弟榮緒琴

涼月耿茂樹微風薄疎林令弟肯過我清夜撫鳴琴
妙生微軫外虛夷有遠心哀猿山暝嘯凝笳霜霽吟
胡馬驚朔吹楚囚操南音王媵穿廬泣校尉漢恩深
翻令曠士懷數行下霑襟曲中頗清壯攫擘觸煩淫
亞夫軍細柳令嚴夜沉沉我友擅丘壑頗遭鷄頭侵
營詩貌烟靄辭慳負幽尋畫師雖無如滄浪一蹄涔
藉爾山水曲軒豁窮上岑勤耒商畧此勝處要同斟
掃除尚書公冢下

平原令僕射精銳暢人謀當時焚諫草安知即山丘
零落三十年誰其追遠猷只今忠義風夜夜鳴松楸
啼鳥勸行沽催花生道周遺墟泣翁荒蹊風馬牛非
無玉樹郎抱官在中州悠悠生存子那得不沉憂

讀楊雄法言

子雲老諸事暗晚乃著一書經營極淺易艱深聊墜奎
終身作雕蟲出語嗟壯夫若笑屈原智頗憐晁錯愚
丹青果變玉美新孰非諛我麟不可羈投閣將焉如
候芭痛領略見謂老易徒小兒楊德祖鑒裁自不虛

擬古

彼美如花人如花復如玉嫁作征人妻別長歡日促
拂掠可憐粧翠袖抱幽獨飛狐驛使斷交河無寸牘
春著鞏梅繁風吹秦樹綠草生森莽尊誰能辨蕢菜
啼裏花成子愁間笋為竹雨滴翡翠帷月上寒虫得
稍知狹邪遊能忘窈窕淑新人工參差故人勤行軸
惴埋為病媒經緯有邊幅若言餉夫君夫君當熟復
告君君不知我自執蘭菊

題洪駒父徐師川詩後

籍甚洪崖縣高寒欲無敵徐郎聘君後挺挺百夫特
堂堂無雙公戶外滿屨迹虎豹雄牙道儕流甘辟易
徐詩到平澹反自窮艱極周鼎無款識賞音略岑寂
陰何不支梧少陵頗前席洪語自竒嶮餘子傷剽賊
大似樊紹述文字各識職二子辦釘釘雖夫與下客
案食薦餽羹能踏雜象白殿最付公議吾言可以默

醉書

春風吹草木莽尊換衰朽亦復吹我顏祇解成老醜
速呼醒酒冰來祛掃愁帚遣客我欲眠深憐紫桑叟

以形模婦女笑度量兒童輕為韻賦十詩

孟夏樹扶疎繞屋鬱鬱青青了無俗事駕歡歌忘形
洩雲閣前峰寫雨自神屏蘇孟有妙理未減五侯鯖

清晨澹無營按行瓜芋區二雛能拜起嬰兒千里駒
抗顏捋髭鬚酤酒提胡盧幸非李元禮何勞為楮模
潛筠穿屋頭幽草圍舍後手携東臯書竟熟俱上口
詩無擬澄江文不誇幼婦婆娑丘壑底藏此牛馬走
丈夫志四海搏風類鵬舉方其未遇時潔身閨中女
晝伏夜動者貪冒如倉鼠炯炯抱名誼所慎在出處
我有百衲琴巴渝不同調三疊太古音那免世驚笑
彼哉遇嗾徒睥睨在風驟幼輿雖折齒初不妨吟歎
謝公東山時徹侯等塵霧一朝畏桓溫攝衣忘雅素
忽著進賢冠頓失滄州趣勇退真難忘天末橫雲度

昔者溫簡輿王屋頗清曠建封禮為羅非復無度量
落膽劾權臣籠街速官謗恋嫪胡不歸猿鶴儼惆悵
少室拾遺公許身穎與箕韓侯為作牙俯交軒冕况
獻策湯盪冠犯顏立丹墀未免誘松桂應遭北山移
尋壑逐飛鳥持觴送歸鴻不解世俗書稽古何所蒙
久矣川效玆矧茲山不重應容陶隱居佳眠聽松風
舉世市道交誰能保榮名譬言之多財賈惡囂安得羸
一身拱壁重萬事秋毫輕向來冥寂_王颯然_王逐遐征

七月十九夜有大星實于西北詩

迢迢天漢星寂寂夜未艾孰居無事中差次若璣貝

向來西北隅煒然獨顛沛彼蒼既悠遠神理滋茫昧
豈君坐逐客無乃勇自退嚙彼亦何為竟夕此相對
絡緯啼井欄和我微吟內

五月二十四日晨起隔壁聞李敵營詩戲作

此嘲之

阿敵覓新詩蹤跡真詭秘如偷發關鍵大惧驚隣里
微吟出得秋幽討虫搜耳排句鴻歸陣細字列行蟻
詩成膽力壯巨軸書側釐遠寄賞音人稍欲見名字
但求皇甫序何暇公祭醴吾言可并案嘲竟聊自洗

巢雲亭

山柳排晴空羣峰助高寒危亭踞上游不在世網間
曉窻飛鳥度暮簷餘雨還興多仲宣樓勢肩天姥山
落筆晚前輩血指空汗顏金革牧羊客句回造物慳
眼界無一欠辭源溟渤寬會當賤不朽夜郎今賜環

芟香亭

束髮事明主遇合誠獨難譬彼佩犢翁襤褸功貴完
明府真權奇汗溝沫流丹雅意獨當御未享首藉盤
詔許上紫殿占對隨孔鸞底事寢不報鼓船下風湍
碩茲未逢年於我頗復安治道貴清淨稚羞家相歡
析楊生木雞榛蕪薙西園方塘每製芟澤畔思紉蘭

靈修方灰席下詔應賜環勿墮逐臣淚去躡青雲端

題淨菴

枝離淇園姿勁特傲霜雪論交不滿眼入社難湊泊
賴有此檀藥嫣然時解擇風枝兼雨葉調度固不惡
結實何離離開花紛莫莫鳳鳥當來過歲華今與昨

夜坐食蛤蜊

統統寒鼓鳴稍稍華月上蒲蓐蔽幽齋夜鼎驚暗浪
但見魚蛤蚶許事付塵埃獷殼雖外緘甘腴寔天相
霜臍貴抱黃雀醢誇挾纒江瑤初脫柱蠖山憐疊障
盤飧得此生風期特高亮如跨大宛兒凡馬羞駿駟
嗟予鬢質成絲山林真獨往會心不在遠坐有濠濮想
珍庖占食指超然即甘暢常恐見輩知曰滋減歡賞
蕭然步前除梅花雪映漲

題敦好軒詩

會心誠獨難托契復何有曩哲有遺言定交於杵臼
此風頗淪胥射利一相就口血曾未乾轉盼忽賣友
夙心何由敦聊與眷眷偶是中白頭新嘉德真乃久
恍如對華觴心醉不在酒誓言山若礪此好那容朽
商飈振庭梧明河掛箕斗

題范贊府覓先春亭詩

范叔老不衰周禮素獨秉素標垂青衫不厭官襟冷
抱贖鴈鳧行色笑辨俄頃園涉寒未餒和氣君先顧
霜花吐幽香煙柳發新穎大鈞無私酬播物厚茲境
仁人所遊居寒威甘遠屏要當均此施草木清晝永

錢仲仲乞靜照軒詩取逸少所謂靜照在忘

求云

往者多逸想山陰時見之肯持圭組面自塵邱壑姿
奇偉不少貸確訥無纖遺保全勝東山出語曾未思
巢許逢稷契何由致于斯乃比石衛尉此老端不為
觀其誓墓作豈復隨家雞忘求在靜照定體發光輝

誰料百代下領此無言師元非折腰具聊復尉河西
開軒延勝氣不許賤客隨凜然廉蔭風坐用談笑追
懸知社武庫時與河陽期持觴望天末雲樹相參差
直恐永和日未能相盛衰徑煩畫幽處公莫惜德溪

阻風濤溢浦捨舟由山北以歸

自發郎官湖掛席如江練繫舟潯陽郭風濤中夜變
携琴坐菰蒲驚蕩襍鳧鷖明當度山椒聊寬故園眼
諸人絕江遊同安大風濤作予適病眩不能

渡

平生湖海心舟楫雅所便揚舠欲尋山風濤怒掀掀

中途得眩疾跨馬如乘舡誰能于此時絕江歌叩舷
寧非賞心貽歸作甕牖眠壯哉二三子唾^點懦不前
頽慙謝公嘯寧免季野憐延目望斜照歸路山蒼黑

用陳觀韻寄廣心敦詩兼示陳

卧疴春帶賒抱獨眉宇皺歎懷北阮貧既親亦有舊
歸歟渺前期駢氣勞侍後暄風攬客衣勝處當宿留
遣我次公嘲知君社陵瘦

陳侯探禹穴辭源何浩浩佳處似陰鏗丘里得名早
吾家習主簿筆頭妙揮掃花繁漢署香春事隨花鳥
快哉兩牛腰何代無賀老

四月十八日過師賢留飲歸用前韻寄師賢
避俗非避世擇交欣擇鄉共泛忘憂物聽雨對胡床
江湖繫解艇夜窻燈火涼論詩中鳴鑄辭源汪方塘
韋杜骨已朽誰焚更生香我纔肩培塿君自築氏房
玉人能曉此藻繪已埋藏破涕歎為笑橫膺復怏怏
行矣勿復道葶孤政為祥

離雲居道中偶成寄微先馳恭首座

久樂巖中趣未覺身世拙冬暖愁雲開歲晏塵事歇
山靈招我遊草木亦欣悅黃松少穉羔蒼崖對宿雪
山川誰斷取擊在仇池穴恭公雨花手微公傲霜節

喚一作睡起隨粥魚談餘餞山月兩禪過虎溪一笑顏
清絕歸來武陵春欲向幽人說

寄微先馳

雲橫暮鐘微窻舍遠山曙卷滅正佳眠侯鴈送寒暑
觀君弄泉手豈是縫裳具獨鳥不西南長懷天際樹

寄徐聖功

暄風緣隙來窈窕過我廬新花已集目弱柳復藏鳥
故人怪音素定知中密踈客從西縣來問訊聊可娛
幽窻含暝色亮月麗高隅意逐前雲去微鐘尚虛徐

以酒渴愛江清為韻寄秦世四

春風草際歸爾客向杯酒觀化發珍藏俱為鄙夫有
雖無雅頌安索之維楊柳賞春良獨難深憐魯中叟
倦游文園令病肺塵消渴白翰造化機雲霞互轉轄
慢世誰與傳嗤議從夸奪誠哉死諸葛能走生仲達
通籍金閨人物望俾昂為醉卧古藤陰一往無復再
卒業有劉歆學富誠多愛定持柯亭竹邈日吹丹塞
元暉擅江左遠岫列雲窻佳句神其吐律身未敢尻
胡為犯竒禍雙流帶二江將智嗟老及懷寶聽迷邦
隋河苦黃濁不亂長淮清秦郎久埋照餘子祇平平
詞林得此士隱若楚方城風流不頓盡驚人聞一鳴

用韻寄潘仲達

淵明解真意欲辯斯忘言我亦厭吾相頗復參雞園
潘侯隱於酒早悟逍遙篇兩髯俱似戟空洞復照然
不作逐貧賦共結貧中緣臨江弔公瑾登樓懷仲宣
何須畫麟閣從渠定天山君看持漢節白首自丁年

寄甘露滅

疵賤楚江濱真遭女嬃罵自無交呂心從猜追信詐
頗耽麴米春寒柯一壺掛戲逃蘇晉禪時赴拾遺社
念我眼中人十燭久已地向來支遁林得禍不能嫁
解霸蜚霧中萬事頓高謝竒骨挾風濤吐句端可怕

何時織錦機緯經聊一借懷哉付短章參旂耿寒夜

次韻寄錢仲仲

簡秀歎真長韶潤思阮裕眼中人物哀政爾用金注
吳產尚父孫思脫塵中屢嗜學頗驚竒於我寔肺腑
高材堪遺補伐冰非所慕時於鼓吹間自得鳴鶴句
妙語隨霜颺識我邱園路賞音吾敢辭當傳太冲賦

次陶淵明贈羊長史韻寄李翹叟

遺民百年冷中歲多難虞不希咸陽價頓有旁行書
李侯妙德望間雅亦甚都南郡此名流聞聲十年逾
披雲落星灣情留厭歸輿只今邱園夢君與川岑俱

胷中書零亂清言不躊躇曩時熨道囚風神頗相如
此翁蟬蛻去詞林遂榛蕪迺於羣憂中孤笑成歡娛
冷官顛逃禪未減漢庭踈何時招隱巖追涼遲望舒
還日涉寄吳世良

白珩藍田生赤驥渥洼種異產非其源定自難入用
吳侯掌武孫九鼎家世重筮仕如挽強妙手一一中
抱贖鳧鴈行嚴憚安敢縱捐金購竒書嗜學有餘勇
鄴侯空挿架而子頗成誦昨日章水頭春風吹客夢
開筵置清醴落月流畫棟念子不負丞義士色為動
梯山貢楛矢効珍出銀甕胡為百僚底歲月數賓送
天邊賞音意推轂亦云衆他年解組歸三徑着求仲

再次阿敵韻寄舒大士兼簡微首座

風窻生晚聽雨砌耀宵行斜柯橫吹度綠堦細草生
片月懸屋角蟬娟有餘情世味了無取虛懷浩難盈
欲念山阿人臨崖九秋樹袖手謝鼎來屬袂推不去
兀爾自忘緣湛然隨所遇稱譏洵濤波渤澥恬喜怒
我亦樂清曠頗甘去人羣回觀蔭華軒澹如秋空雲
二桃殺三士纍纍蕩陰坂吾廬蔽床席有托衆鳥欣
室邇會面稀輒發分首別緬思耐久交不為翕翕熱
祇夜在貝多有懷時間閱頻伸三昧起燕坐真適悅

吳產微開士膏肓崑穴深向來避小草於今有遠心
懸知軒轅律定非桑濮音寒藤且高閣川塗多毒淫

次韻謝朓直中書省詩寄馮彥為

泰階就平夷風軌肅恢敞內樞方暢謀吳岫俄矯掌
富貴踐危機紛華嬰世網諸生經濟心緩帶赤霄上
黃金買蛾眉歌臺爭暖響未聞舜九官賣友變俯仰
重瞳垂衣裳閭闔映蕩蕩均勞當賜環看公被嘉賞

次韻謝朓登三山還望京邑寄六弟

驅車背郊園殊鄉復異縣春色滿上都雜遝眩聞見
危樓日輝輝絳闕雲練練那思赴修畛豈復憶遙甸

佳人戛鳴瑟開懷具芳宴但願酒如澗詎計花如霰
緬懷棄繻志彬蔚期豹變

次韻謝朓京路夜發寄六弟書因以督其歸

問津實知津阮屐穿幾兩束裝徑瀆沔呼船凌決滸
老餘風埃顏枯槁日日上屏居二十歲寡求每自廣
眷言季行役清音當見賞聲華慎交綏物色易搖蕩
得雋早歸來毋為勤掉鞅

寄郭循正

粲粲有道孫丰姿復亂真養氣如晴虹照映塞外春
好大有餘韻雨壑烏角巾典學萬人敵談笑五臺賓

篆筆厭秦相翻笑蔡有鄰長袖果善舞巨價藏百珍
豈繫寂寞見此妙入神平生樂聞善况我骨肉親孟
堅贊炎漢楊雄賦逐貧

次謝宣城出新林浦向板橋韻寄汪彥章

名郎摩霄翼徑逐先賢驚奇骨如洞庭中藏萬烟樹
憶昨易前期寒暑亦云屢雖聯臺者班未減江湖趣
老境專一丘病著隨所遇何時過我來嘗柑嘆香霧

寄陳無惑

憶昔悵有違平湖拍天漲公乘美滿風乘興破巨浪
我歸茅屋底念切情惆恍中間忽抱瘵此病最無妄
伏枕辭鳴蟬秋風吹倚仗緬懷醉夷門歎永真愜當
頗復持漫刺曳裾謁丞相曩者金石交為子傾家釀
膚清神更清年壯思亦壯蘭臺要給札抒寫不流宕
謹言動主意湛思慰人望歸帆拂五老停艫當疊嶂
不忘茗果期烟扉聊一訪

寄劉壯輿

曩者劉中允懸車未華顛騎牛澗谷底終歲飽風烟
至今草木間餘光發幽妍秘書百鍊剛凜凜森戈鋌
勁氣睨汲黯高文儕史遷當時補衮流氣躐摩蒼天
一語不合意歸來枕書眠急流勇自退已度二疎前

檢討少壯時嗜學堪丹鉛微官裹黃綬雄名敵青錢
聊為三徑資未減五柳賢薦書到禁闥信史多官聯
仙者得董狐筆端直如弦季札羸博垠歸興何翩翩
掉頭不肯住引帆黃蔑船昨來離山東唾點群兒喧
一朝掛其冠謗語無由宣顧我牛馬走定交良有年
相期寔高蹈飲潔鳴風蟬雖無元龍豪問舍仍求田
同採陽崗薇共酌陰崖泉來往成二老庶使萬世傳
予與謝幼槃董瞿老諸人往在臨川甚疑幼
槃已在鬼錄後五年復與瞿老會宿於星渚
是夕大風雨日誦蘇州誰知風雨夜復此對

床眠之句歸賦十章以寄

賸客苦填委神交多乖離靜言教存沒驚颺邈難追
水清石自見山高鳥鳴悲一盃且相屬何庸記吾誰
久矣羌山遊幽討無復遺如觀侏儒節觸類或可推
山靈厚相戲傲以所不知故放出岫雲變更無定姿
憶昨謝幼輿宜著邱壑中論交翹葉底愁絕連樽空
自我失此士清夢隨歸鴻封胡與籍未安知無餘風
高臺擬峴首孤峯陵天姥與子各壯年車鮮馬亦怒
歲月忽欺人于邁不可補詎知喚仍回藜床同夜雨
誰其妙丹青將軍獨曹霸能開生面姿拂絹貌照夜

偉哉千載後萬金不當價吾欲評斯文善學如善畫
却老煩青精度歲極黃獨長乘下澤車何煩挾舟較
求我盛年非常恐不可復永結交舊歡阿謨甘碌碌
吾憐阮嗣宗口不掛臧否是眼何親疎青白生譽毀
照隣殆庶者穎脫當悟此本心如虛空何嘗受塵滓
曩時太傅公日下款無對富貴恐不免大節在頭悔
一朝出東山動業列鼎膺眷言固窮士難進思易退
脂車離郊園潛筠人許長歸來十畝陰縹節已儲霜
畦畛日將蕪况復病在床亭亭望五老煙雲晚蒼茫
渚蒲方蒨絢汀草亦芊緜扶藜數過鳥蕩漿看歸船
董子有來約要在秋風前已辦河朔飲更哦陶令篇
喜遇洪仲本于山南以蟬噪林逾靜鳥鳴山
更幽為韻作十詩寄之兼呈駒父

萬壑無定姿勝處加風烟愛山亦尤物常怀他人先
凌厲矯雲翮酬酢含風蟬終日松路永冲襟頗蕭然
故人隔秋水夢往寧可到山南會心處不負乾鵲巢
胷中如陰雨百穀仰一膏嘉德向來深此事神在勞
明月出東壁歷井復捫參如我飲飲伯了無經世心
土膏富畦壠濁醪有常斟鳥語復見廣浩蕩栖雲林
遊目霄壤間稟生不可逾企躍有定在嗜好真殊途

超詣方獨往安然鐘鼎娛嗟彼強聒士營營竟何如
老圃志沉鬱久哉官牒冷道廣雖難周恬愉境元靜
著書雪明窓垂老真雋永諸郎汗血姿一一皆絕影
憲上飛野馬酒中鳴山鳥俯仰幾何時秋林風嫋嫋
高懷凡情靜虛齋塵事少卧讀若邱詩意寄在雲表
綠髮嗜翰墨頗徂成章程耽思且旁訊僅有能詩聲
老語如凍芋時時強抽萌公等極英妙每聞鸞鳳鳴
禹金貢九牧鑄鼎知神奸博學如地負能發捷與閑
奇貨只希價妙語期藏山要當繼三代何勞追二班
豺祭秋事歸蓐收遂為政爽氣挾曙來風露頗輝映
祛我中夜懶起予維摩病回首問炎蒸暴謔子難更
倚杖覽清曠江臯事事幽戰勝名義府策勳逾徹侯
世故每情得塵緣成語偷長吟撫孤松濯足清江流

蔡州顏魯公祠詩

孤雲亦羣遊勁栢受遠托烈士懷貞心肯勞常情度
堂堂顏太師立朝獨莊諤太宗柱石衷中夜懸六博
朝廷冠劍人孤君資元惡公當蔡州鋒活國立然諾
頭顱危一葉舌本未渠弱耻為蘇屬國華顛圖麟閣
想當兇焰時直氣森噴薄廟貌存典刑社鼓追冥漠
我生當昭代何憾涕橫落浩歌招遊魂白眼瞪廖廓

聽了公孫彈琴

商飈吹菰蒲船官雙停棹中有陳太邱堂堂道彌廣
容我拜牀下凜然增妙想碧洞名家兒侍立資開爽
取琴為我彈襟懷自恢朗蘭芽弄徽絃岩谷發佳響
廼翁琮璧姿風氣日豪上一言犯台鼎放逐金波漲
郎君翠眉低沉憂襟悲壯滄海連三山攫醜共消長
生雛有如此十年遠色養推手且罷休夕嵐橫蒼蒼

倦夜

倦夜苦夜短追涼卧前楹清颼颯然至滓穢開天經
月在房心間木末相將明頻年困航稊何足糝藜羹
一飽吾可必呼兒斟醪醕酣歌幾達曙露下濕流螢

雨坐遣心

孟夏始三氣暑還自何鄉稍稍切肌膚病著徑卧床
雲從甌峯來將雨送微涼容與過朝市殷勤洒林塘
幽窻多僧氣頗帶山茶香縹思隨歸雲冉冉列禪房
此物方料理陰崖容伏藏火老恐愈濁熏菴猶未央
會當賤山靈時來呵不祥

讀左氏

麟經書王法聖筆行天誅印明發其蘊磊磊昭九隅
奈何蠶粟續命曰相斫書世不足董狐殺青議其覆

無煩家置喙桀若夜占斗舌本未暇澆但自飲醇酎

送嗣行叟住雲巖

昔在馮光祿精兵伐莎車大宛獻象龍權竒天馬駒
朝趨不動塵歷現暮過都銀鞍香羅帕奚及行坦途
一朝伏轅下局趣時長吁霜蹄繞羊腸翻思在垆娛
復聞郭橐駝種甄絕代無擢秀土膏動安恬肆紆餘
儕泯失妙理靜躁由來殊木性不受觸剝膚驗榮枯
柳侯為作傳臨民真楷模嗣公武夷秀淡然雲水徒
風期歷支遁淵源從老盧膏盲在巖壑浩浩不可汙
屢辭公侯聘煙霞閤團蒲忽著垢墨衣俯身蛙鼃區
我本佛國淨示見穢土居譬之噴玉姿驤首徑崎嶇
雖懷萬里氣詎可輕艱虞亦如蔣卉木涵養須敷腴
根節藏蠹蝨安忍不剔除名駒即商鑿種術毋令踈
邠蟲或蠹蠹三言成於菟願公置生右愛之良不誣
夜窻為長吟霜飈響高梧

次九弟阻雪不得遊雲居

憶女垂九齡尋幽非舊常兩鬢忽如棘歌聲賴蒙莊
山色故無恙老者鬚眉蒼載之著車後誰言山路長
每逢勝絕處賦詩要難忘大雪漸空曠清境詎可望
燭龍何時來唧囉發輝光長懷亦云極煙渚聞鷺鷥

雨後望雲居

愛山勇成癖，巖壑羅心骨。政使詣幽絕，何如天際逢。
春雨雲漸續，滂瀉歐岌峯。如我金石交，渺然曠音容。
眼邊出突兀，煙霞更葱籠。方營五字賞，烏下醉吟中。
聞蘇大闡蘇大養直同李子充遊雲居作此詩招之
人心各如面，石交定誰逢。吾觀蘇夫子，直有古人風。
自開蔣生徑，日望求羊蹤。乃携李長吉，上我歐岌峯。
羌山落君子，稍欲吞附庸。練練峯上雲，蕭蕭岩際松。
想當岸綸巾，嘯傲驚歸鴻。我有浣花竹，隔林聞曙鐘。
幽禽發佳響，亦足披心胸。何當小休轡，一尊聊此同。

次九弟遊雲居韻兼簡鄭禹功博士

幽棲捐衆累，塵事猶抗行。浮湛太古相，却掃何癡生。
祇園有勝踐，蒼崖無俗情。筍輿度絕壑，雷雨下滿盈。
矯首出巖幽，斜日耿煙樹。玄蟬漸續鳴，驚麇縱橫去。
未窮山海迹，茲焉賞心遇。絕勝馳康莊，車馬仍怒。
博士麟一角，曠世獨秀羣。胸中藏箕穎，筆端生風雲。
平視楚倚相，陋矣知三墳。佛界飽遊行，草木俱欣欣。
阿形荷衣時，迺與此山別。願言奉巾屨，不復苦炎熱。
歸來出新詩，老眠聊一閱。雖非天姥句，淺淨亦可悅。
病夫世味薄，野處隨年深。以彼有限景，寫我無窮心。

緬懷太冲語山水有清音時尋松桂約勿遣嘲書淫

端午

鄭袖椒房寵音容勝莫愁多情上官郎朝夕侍冕旒
從來秋水好見謂繞指柔何堪女須罵竟予馮夷游
至今荆楚兒奮舟競長流重華改前度歸翮起南州
莫作古時恨靜聽敦訶謳

北牕睡起有懷吳世南

曩時謝仁祖蕭散北牕下捍撥響鷓絃天際頗閒暇
淵明曲肱卧餘事眼不掛便欲俯羲皇涼颺助矜詫
縱觀兩郎傳明如丹青畫獨於避俗翁英姿猶可借
此翁多新詩天成妙風雅不從人間來句法殆神化
伊予綠髮時奮舌談王霸中歲懶問津銳意學耕稼
一往二十年了不畏嘲罵性初嗜清醪病見杯勺怕
徑作雲牕眠端回俗流駕緬懷吳朝歌南州滿聲價
虎脊天鹿姿未覆香羅帕顧我延神交素書每盈把
何時逐飛蓋西園樂清夜微吟望天末虛懷聊獨寫

病中有懷

江城春事還溫風攪清晝花藥祭以繁好鳥俱應候
客中維摩病何心折楊柳黃鸝勸窺園於我意頗厚
緬懷趙明府傾蓋真若舊翩翩佳公子奕奕名世胄

筆可扛龍文識足辨蒼白何當與若人長歎向宇宙

有懷張掾師言

戶牖煙霞積池塘蒲稗深幽鳥如交友招喚出疎林
懷人隔溷浦終朝梁甫吟別鵠太古澹徽絃寫瑤琴
誰能領斯妙士貴相知心僧彌非謝守其誰能賞音
深衷若為寄長歎看遙岑

有懷鄭禹功

吏隱專一壑才名橫九州袖手煙雨外坐看江漢流
斯人笑無度孤標可鎮浮窮居白日靜蒼苔門巷周
永懷不可見藁芝向西疇

夜坐懷師川戲劾南朝沈炯體

鼠齧觸蠻兵客夢寒窻短牛斗掛闌干起視夜參半
虎頭丹青手欲畫澁回腕免火渴陶泓得句亦不漫
龍沙懷石友羽觴舊無算蛇飛梵王壁駱驛壯神觀
醉踏吳沙歸轉盼歲月換羊腸自詰曲馳道方晏晏
旋攜古菱花悟罷如水泮雞園談妙口當我一笑粲
狗監浪延譽凌雲非吾願猪蹄祝汙邪舉世良可歎

雪晚望懷子克宗弟

歸雲度山椒木末留夕照聯翩啣尾鴉不復明楚調
安知牛尻沒便出豐年笑南阮有偉人領畧造意表

端憂突不煙岑寂有餘妙簡遠到安豐邁往同逸少
頗教弟子負鉛槧發清奧誰可相推轂僅自免鑄譙
閱月不傳音柴門跡如掃蓼床還睡債癭杯敷夙好
為君短長吟扶筇送飛鳥

懷子充復次閑字韻

彌年曠不接耿耿心未闌綠何稅君鞅飽看江西山
追涼故園樹待月房心間君歸有後約悵望何時還
元亮書次王局翁過二李故居韻賞僕作草

堂於故園同賦一章

兄家咸陽公餘澤被岩麓恠底多珪璋藍田自生玉
我獨出衰緒嗜酒仍愛竹晝眠殷晴雷看雲腰不束
作堂延野色風吹草心綠情閑飛鳥親相呼瞑投宿
往往遼東鶴來栖手栽木心期得幽子浩歌去邊幅
抱甕同灌畦牽蘿來補屋修文不無人付渠調玉燭

董真人煉丹井詩

董子侯官秀養真匡山陰瓊田甄金穀絳雪飛瑤林
種杏令虎守償稻見本心淮南雞犬仙舐鼎昇瑤岑
寒泉列舊井遺風猶至今我來操鬚眉憑虛欲駸駸
稅駕不忍去遂歌梁甫吟

魏鍊師四松畫軸

下二首自玉洞年抄入

四松在澗壑歲晚乃更奇蕭然如黃綺傲岸不可追
誰將談天口掉舌聊見移由來拂東絹寫此霜雪姿
便有松上雨催我窗間詩翻思斲青冥採藥堪扶衰
當年丹青手開闢造化隨既有圮下約子行何後期

徐叔明校書篆筆奇古復作丹青為予作漢江暮靄
扇材極妙力求鄙句作此以贈

曩時徐騎省篆古逼秦相後來得仍孫毫端溟渤壯能回頽挫姿丹青
生意匠餘酣寫便面萬里煙莽蒼何許捕魚郎落日蕩雙飛無然力煎吳松安
用買登嶂真欲老是間塵境孰非憐君俱妙簡遠復清曠定為造物嘆覓句

聊分謗
乾隆己未借劉翁作惟同年卷大典散編林八月抄本



